

笠澤詞徵

百尺樓叢書

卷十五

邑後學 陳去病輯錄

清

楊秉桂

譜名慶

字蕊周號辛甫道光戊戌歲貢生著有潛吉堂詞錄

一卷

綠意 寫墨蘭寄柳初

紅情已倦只鬢華瑟瑟綠又銷半月樣微黃重檢冰紈賸有墨痕悽  
惋芳蕤氣息吹來近尙一桁疏簾遮斷訝夢中徧是春潮何況素心  
人遠 影事於今記否袖羅翠倚竹籠碧庭院一樣東風自覺修修  
十二闌干春淺如何三月初三又但觸撥閒愁如箭更休提淨綠餅  
中婉婉一花初見

醉江月

前詞成後風來颯颯忽聞巖桂香閨人爲余言秋賦

金陵正第三場矣余聆此語意緒茫然復成是解

新詞吟就正霓裳天上琅琅三疊席帽麻衣尋舊影玉宇高寒無極  
下界蟲吟中年燕侶負此明明月奈他巖桂撥人愁思香發 還是  
夢墮流黃鬢銷慘綠辛苦當窗織元九夫妻無恙在貧賤何妨此日  
覆茗消閒攀蘿作計意緒工悽惻不應今夜露華先已涼怯

杏花天 題宋益菴紅杏填詞圖

朝陽晃眼層層暈怯東風餘寒猶賸牆東便觸天涯恨欹影一枝重  
認 想深巷賣花節近又新燕一襟紅俊撩人豔思渾無定尺幅蠻  
箋窄甚

金縷曲 題夢琴梅花屋圖

昨夜霜華白拓疏窗銀光紙樣又冰紋榻略逗些些春意思春在枝  
南枝北正夢醒有人抱膝不隔羅浮香繞屋儘閉門句向花間覓無

已性習幽僻 分湖渺渺相思積能幾時溪橋喚艇來尋永夕同爾  
花閒浮蟻綠吟到參橫月直只此福不曾修得巷冷天寒人阻凍更  
思君住近袁安宅 謂改 吟 休忘了爨煙絕

念奴嬌 坐獨輪車歷鹿一番至是喚船渡江意殊恬適打槩

過金山下波光照映雲日妍美用東坡韻扣舷而歌

一番鞦韆旅聊償我滿眼山川雲物薄笨車中殊草草風冷旗亭畫壁  
此日能晴長江不浪鷺影明於雪蓬窗人倚一襟詩思雄傑 秋賦  
時節怱怱迷離京口樹片帆催發挾策干時曾幾度那便壯懷磨滅  
打槩重來翻然改計已是星星髮琵琶何處 時鄰舫有 舊時還念明  
月

高陽臺 夢琴寓齋木香花盛開折枝分餉儕輩柳初有詞余

同其調

薄暖撩人素懷泥酒晝長簾幕悵悵青粉牆高幾枝低彈瑤英慵情  
此日迷濛甚近斜陽偏更氤氳恣濃吹直是甜鄉夢淺難勝 風酣  
陌上堆晴雪有縑絲花放同殿餘春幽思誰諳村娃閒一來尋柔條  
牽引芳情遠總憐伊無力支撐更休論花縮銀絲壓鬢娉婷

齊天樂 柳初夢琴約爲湖舫餞春風雨不果夢琴時方悼亡

以尺素見貽意殊不勝余同柳初賦此解之

昨宵睡思矇朧極醒來忽驚春去燕子寒新絲楊影重一望冥濛何  
處且寬別緒看雨雨風風或留春住冷落蘭橈但孤佳約已無據

憐伊深院病起撫闌干糸曲獨自凝佇斷夢空簾哀絃別院又是韶

華一度休過南浦見逝水淒涼

謂琛崖

更教吟苦合抱孤懷蠟花紅對

語

解珮令 吾鄉于立夏日權衡體之輕重謂之稱人所以驗消

長也閨閣中尤盛行賦此爲樂府補題

玉衡平按珠繩低轉還認是鞦韆庭院卸了綿衣喜夏首時光微暖  
愛輕盈尙嫌金釧眼光愁短星華誤看笑檀郎稱量未慣好在糝  
糊也休問玉肌增減下翩然袖羅重捲

賀新郎 客有陳鵠本雲郎小影髻簪寒玉臂約雙金白紵涼

新風致宕往余屬竹賓對臨一幀意有所觸用迦陵韻題之  
鑪煙欲燼殘月到窗睡思冥濛歌疑入破矣

墨爲春愁釀直勾來輕雲一縷風前蕩漾不信冰蟾窺影瘦月在玉  
梅花上何事把斷紈閒相燕子單棲憐未穩記棠陰對取紅襟量塵  
浣却舊羅帳紅蕤枕上閒偎傍想恁恁喬妝未換鬢絲輕颺何福  
陳髯消受此忽聽賀新郎唱終孤了深情海樣一例人間春夢短夢  
醒來多事銀缸亮摹此本爲誰悵

疏影 夢琴同南一仲博山月三五之夜游玉峯半繭園徘徊

玉梅花下耽茲夜靜悅其吟魂幾欲枕藉于此爲圖徵題倚

此應之

嬋娟耐寂想夜深小佇涼沁羅襪更有何人來訪昏黃門掩敗垣愁  
絕橫斜瘦影闌干冷只逗漏玲瓏華月聽枝頭翠羽啁啾似訴芳心  
悱惻 偏是詞人忍俊便行行不遠多露遑惜淨洗塵襟合貯冰壺  
肺腑天然瑩潔新詩讀與梅花聽更攜取玉笙吹徹恐明朝晴昊園  
亭早有喧春蜂蝶

唐多令 題碧瑣窗前學草書圖

脂盞粉奩傍雛鬟浴硯忙趁新晴拓徧疏窗一晌微聞金釧響又風  
遞翠螺香 筠管象牙裝欹斜墨瀋蒼遣無聊說甚鍾王偏是郎君  
拘正格道須學十三行

邁陂塘 盆荷翠蓋擎雨搖風翩翩自得而花蕊尙未出水

姍來遲倚此爲水邊羯鼓

盼盈盈一泓新水青闌干外風軟蜻蜓幾箇尋先到奈是弄珠人遠  
涼露泣訝淚灑鮫人也費相思串江皋日斷只新月微茫銀河飄渺  
減卻酒情半 芳期緩贏得銖衣歷亂和煙和雨斜掩縱教葉肯如  
花好未免紅情悽婉還自遣記俏見鴛鴦曾結花間伴花如人願定  
兜惹芳情竝頭開出珮解訴瑤怨

齊天樂 題張子祥玉臺商畫圖

遠峯一角眉痕淺閒情早縈空際覆耐茶餘哦成絮後長晝偏嫌迢  
遞研螺正細又六六屏山撩人芳思唱甚搏泥你儂描入素紈膩  
垂垂柳眠起乍但扶疏綠影庭院深閉燕語微聞鸞箋試拓人在銀  
橈紗窗底商量妥未恐湖畔蘭有情難繫珍重斯時月來花影泥

摸漁子 寒月到窗耿然不寐攬衣起坐漫成二闋不自知其  
意緒也

恁窺檐一丸涼月盈盈來墮簾底銀鐙重上窗紗在只是瘞愁無地  
風又起想舊日鑪熏鄂被香銷未今宵夢裏任曲巷霜欺寒譙鐘警  
恍惚路能記 過橋去漫向紅闌徙倚碧桃仙犬空吠枇杷一樹還  
堪認只是闌寥門閉人不寐判醒眼紅蕤一枕償清淚寒幃舊繫賸  
鉤影黃欹波紋綠皺光景但如此

耐清馨野陸華放撩人饒有芳思青青薺菜輕苞坼不數等閒紅紫  
還記起只一度靡蕪春去寥蕭矣紅襟燕子憑踏軟珊鈎栖躑珠箔  
一瞥眇無際 休重話變幻滄桑舊事烏衣門巷如水淒涼佛屋塵  
糞冷同證斷蓬身世春便至我已霜華滿鬢成秩意如何料理但

悄吐蠶絲暗銷蟲蠟譜入蔚藍紙

譚獻云幽抑怨  
如讀晚唐人詩



陽臺夢 題倦繡美人畫幀

簾紋如水香篝潤褪紅花瓣苔衣襯晝長微倦不成眠待矇朧又醒  
窗紗纔半窗溼窗外斜陽弄影熱梅天氣最憑宛似郎心性

疏影 眉叔工填詞得姜張綿渺之意相見於鹿城半繭園其

時巖花媚幽俗塵洗空茗話勾留味極清 旋以布帆催發  
與促散去合離無端意殊惻惻倚此寄懷斯文契合不自知  
其情之一往深焉

朝陽似水記徘徊欲去杯茗相對一滴清冷較酒還濃離懷知己先  
醉遠山泥客殷勤甚莫孤負當空巖翠況古藤也解留人抓住去時  
衣袂 幾日前頭誰遣無人可共語孤寂難耐斗大山城鴉鵲聲中  
覺我一身如贅從今得認張三影又促迫蘭橈催載幾時同譜新詞  
賭唱雙鬢一花外

周夢台字衡階一字叔斗號柳初又號初庵諸生有茶瓜軒集

秋霽 集停雲樓茗飲卽事

滋味寥寥正示疾耽愁自課清閑小夢松涼雋儕蘭馥檀欒坐圓時  
節淡然欲絕故園春事無人說還細啜樓外夕陰如水碧澄澈 相  
與側帽念舊臨風似聞人來烟語騷屑恣頻番花間竹裏甌香吹綠  
鬢邊雪笑問是誰猶內熱七盃嘗未儘自傍銚聽湯撥鑪挑火拾餘  
寒葉

沁園春 寒睡

乍解旋兜平坐須臾先溫被池漸鳴鑪香淺纖趺抵着貂茸枕膩散  
髻頰時肩自能佞背還須擁一度橫陳低倩伊惺忪甚有禁他反側  
覺似風吹 凝思漏永誰知奈夢也同酣醒獨遲念清霜瓦重頻添  
瑟縮凍花缸暈直恁參差熨去都慵翻來自抱暖得悠悠蝴蝶癡堪

憐箇又冰窗彩旭欲起難支

琵琶仙 崑山歌妓朱秀姑工唱南詞諸小令聞者闕焉乙亥  
之春余偕漑翁玉林往聽數四彩雲一瞥流水三生已不知  
更在何所矣今年春余復來此俛仰之暇偶同靜菴辛甫訪  
之至則白屋青裙曠然布素絕非曩昔登塲腔調因述往事  
有愴于懷不能無詞丁丑三月

黃篋扉開通斜巷碧玉人家猶小行處盡著春風吹來自迎笑看不  
是舊時標格換裙素蕩華波照漂泊鸞孤淒涼燕旅何處能好 算  
如此澹日疏簾問楊柳陰陰有誰到撇了四條弦子與琵琶同老還  
只有閒愁暗恨判鎮常零落多少更念憔悴青衫黯然傷抱

減字木蘭花 病夜聽雨

纔輕復重鐙背衾裯寒自擁雨自參差上了秋心點點齊 青天碧

海有意無情都是累自到人閒生性從來不善眠

祝英臺近

夜來初人去盡香夢逼幽靚  
綵綉鐙華無事坐來暈算他只隔中門  
歲蕤不下應略有一些聲影  
更思省生怕翠網金疏風暗颭難穩  
準待移時悄地雙鬢看將月色羅裳烟行縞  
袂都畫上者時孤恨  
撇寫出離情深似墨滿眼芳菲隔葉雙花各自款

減字木蘭花

題辛甫畫蘭團扇

露唾烟媚春綠銷沈月底記得相逢小院無人但有風  
而今幾  
齊天樂 綠牕調瑟圖爲葉韶庭題韶庭爲贅婿于譚氏

春風吹綠閒庭院又從碧寥歛起錦似人長瑤尋天遠饒有華年情  
思一弦一指撫廿五鴛弦弦如水待得圖成稀依還是堦鄉美  
惜惜合配琴惠便調鸞撥鳳此曲應記皋廡餘音明堂待奏那數靈

妃仙袂畫工多事問何處描來者雙雲髻笑對青衫嫣然空自媚

綠意 辛甫畫蘭草便面見貽并題詞其上屬余繼聲爲同其

調

素風歛暝向石叢深處玉意低轉時節芳菲落黑傾欹一襟白寫幽  
端韻蕙幾尖清顏色已攏罷碧釵人遠鎮無言坐澹春光綠上書屏  
微展 應是瀟湘一角小翹楚不見水次凌亂采采明珠雜佩遺來  
也莫訴靈修怨自從芳訊遙難遞更誰問露梢煙斷算何如斜掩文  
紗待呪與坤靈扇

邁陂塘 題沈瑛厓舜湖泛槳圖

汎輕波溶溶漾漾總宜船好搖曳計春有頭微茫極遠似天無際  
東風起渾不似天涯烟幟和愁理船頭船尾只雙鷺相鷗鷺問滙夢  
三十六滙記 湖名好不數鑑湖嘉興濛濛綠曉莊子人家水閣扶

闌外一段綺羅塵市斜照裏怕有箇高樓凝眄低維髻此時歸未算  
白馬橋迴紅梨渡轉約略四三里

高陽臺 如臯葛翠琴校書小影楊辛甫屬題校書小名長兒

滿月呈姿偏雲彈鬢回頭人似天長翠理琴絲離弦已迸鴛鴦旌邱  
細葛花開後又檀欒叢桂飄香鎮迴腸之字江流錦字書將 斜楊  
畫盡東臯綠有淒迷粉黛淡俏羅裳鸞鏡潮回自家臉暈神傷墜歡  
一段闌干底展牛綃低著思量減容光寄與西風吹轉疎楊

柳梢青 題白描琵琶仕女

宛是當年四條玉冷雨滴珠媽彈到無慘抱來不正畫出誰憐 靖  
蜓一隻停偏但瑟瑟蘆華水鮮淡墨銷魂濃情堆髻素靄流煙

菩薩蠻 鳳仙

闌干亞字涼陰午一叢深淺花頭妥剗鞞下階來問庭姊妹開 玲

瓏仙手爪蘭夜猩猩搗明日袖羅風阿誰看最紅

清平樂 金魚題畫

春風拖逗吹得萍衣皺  
啜啜喁喁看不覈可憶倚闌時候  
兒家池畔年年輕波小隊連翩  
不信畫渠羅袖一雙比是誰妍

點絳脣 秋海棠螳螂

恨粉愁紅斷腸自寫秋來意  
露華如洗認是人清淚  
牆角苔陰分半淒涼地  
蟲兒媚一絲風起翠臂輕搖曳

虞美人 團扇畫抹麗珠蘭

玉意微微雪珠香  
瑟瑟風晚來描繡畫  
闌東可是一規明月在當中  
碧穗輕苞折清蕤小摘工  
有人插髮太瑣鬆  
憶得昨宵涼夢一重

重

陳希恕字養吾號夢琴諸生有鬪紅一舸詞

去病案夢琴爲類伽表叔而年較少且與

辛甫輩並爲紅梨  
社友故編列於此

金縷曲 題李辰山先生墓圖

野土隆孤塔嘆茫茫桂林天遠莽雲飛滅欲向當年求遺事颯颯涼  
柯飄葉共滬瀆潮迴聲明便問黃冠羽衣蓋也齋宮春靜無人會啼  
盡了杜鵑血 一坏半塲香狸穴有肫然長頭高誼重新封蠶士女  
清明東湖畔誰問蕪煙荒碣但藥草幽叢響烈飄笠平生亦何恨算  
畸零末路成奇節想泉下魂猶熱

邁陂塘 荇藻湖觀荷

碧愔愔刺船清曉搖搖搖 花裏紅衣翠佩都迎舞彷彿便多仙意  
風正起料一片香陰不是人間世漫看塵市縱酹酒波空采芳人遠  
也足弄烟水 堪憐我火繖遮頭難避尋常觸熱無次飛來詩句千  
雙玉還更與花同氣情莫已要捉箇沙鷗白鷺相遊戲閒攜綠綺待



奏出商聲銷將俗慮散髮露華洗

蕙蘭芳引 集停雲樓茗飲卽事

纔得散閒遲清侶小樓深曲共隱几傾襟重補陸經蔡錄畫簾捲了  
有秀語奪山蛾綠想箇人病起合領甘侯情沃 盎盎香餘蓬蓬春  
遠白露幽獨對如此秋光猶隔故園水竹心頭滋味候湯又熟輸與  
他蒼鶴避烟鶩足

瑣窗寒 寒妝

紗縠彫冰脂燼凍雪曉困淒緊世人乍起半臂薄温猶賸綰靈蛇年  
光又闌看來可是依前靚出雛髮一樹梅花試未玉簪圓等 難忍  
瓏鬆更正倚罷熏篝漸銷香燼纖纖籠袖不要施朱施粉殢豐貂低  
護雙雅小鈿嬾也都未整鬢驚他鏡裏郎偎暗裏肩儉並

買陂塘 題南湖柳隱圖

占湖干幾間茅屋先生門外栽柳萬紅塵軟飛難到清絕藥瓢茶臼  
煙雨後算緹絲惺忪催得詞成驟竹醪熟古更菱角堆盤蝦羹真釜  
風味莫孤負名流盛直恁此邦明秀巖壘祇台低首人間多少金  
貂客輸與鷗盟依舊延訪久怕一抹濃陰無處尋溪口扁舟買就判  
繫纜橋邊攀條隄上攜取故人手

金縷曲 題計二田溪陽展墓圖

尺土森叢莽訝中間文章光燄騰凌禹丈畢竟才名埋未得生氣至  
今天壤只此地蒼涼誰訪私淑幾人同醉酒吟谿陽渺渺靈來倘憑  
一滴祓悲壯我儕生幸同州鄙讀遺書馬周王猛那禁遐想一第  
肯將千古換天亦待才非枉任麥飯已無人餉歲歲吟鞵來此踏便  
荒邱永作高山仰盟老樹十圍長

齊天樂 程序伯庭鷺屬題秋雨填詞圖

秋霖不管詞人惱亂珠偏洒芳淫病葉棲紅驚條損綠研紙替言幽  
恨巖槽几淨儘小令催成墨花妍潤沁入鄉心種蕉深悔畫簾近  
江湖自傷泛梗早孤篷聽慣更斷人靜暈碧燈昏荒黃管禿芳譜紅  
蘅難並衾單夢醒更響答寒幃暗蛩淒哽且把清尊醉餘渾不省

陂塘柳 漑翁屬題泊宅圖

又忿恐移家一舸詩瓢茶磨同去紅闌月冷鶯愁老管領春風有主  
庶賃與更湘竹梅花翁舊館租券依然否翠禽休語那香哭唐衢伯

工詩趙嘏鄉暝酒且招賭 吾鄉寂何處銅駝俊侶長卷大腹偏伍

思量學作陶貞白買个山貲誰助同住許約祭竈請平鄰一座儂須  
補水楊柳所便穉子敲鍼山妻結網借隱此蓬戶

前調 夏首訪頻迦于靈芬館被酒留宿停鐘話舊俚俚于懷

遂不成寐爲譜是調並示丹叔

別詞人蟾圓幾度遠愁雲共無際  
艸枝搖人蘆烟暝一塢當門能記  
苔印碎認幾個吟儔先蹈斜陽至  
芝生相逢懽喜有桑梓時光漚  
四五團坐不須次涼宵好難得  
蘇家兄弟譚詩况泥殘醉年來此  
調家鄉緜一刻千金忍棄紅燭底  
乞滿紙春愁償我相思淚分襟容  
易怕三尺烏篷一條淮水流夢又千里

前調 樂飢圖爲楊聳石海作

笑人間朱門梁肉先生孤守清  
餓墊航住傍虹橋穩水酌山瓢  
差可香滿座闕荒了田疇杞菊  
餘籬左疏狂無那任醉舞花飛  
高歌月起不管冷烟鏗蘆簾下  
怕有妻孥愁坐攜尊我獨來賀  
侏儒飽死知多少臣朔能飢幾  
箇勤自課有貯古空腸江左聲  
名大君工詩善治石郭頻迦會  
書聯語以贈 分干樂我縱鶴  
或虧糧帖艱乞米且抱老梅臥

金縷曲 陸雨菴茂才焯以其令兄朗甫中丞攝篆山左時遺

札及詩合裝成卷乞工畫展卷憶見圖索詞爲填此解

幾片叢殘紙是當年鄉心一掬雁傳而至遼落關山官任重難禁遙

憐諸弟

遙憐諸弟幼  
卷中句也

看中有淚痕隱起切問齋頭燈几夜一回開一

度添愁思况聽雨又孤被迢迢奉詔星馳使播芳聲文章氣節如

公能幾即此零星家常話忠孝兩端而已對牘墨何堪回憶詩約池

塘春草夢到更闌萬一尋來矣重重戶莫深閉

### 疏影 梅花帳額

玲瓏碎月遲倦吟人睡方印微白帳彈雲梢鉤颺風尖半林小積香

雪蒙頭零亂宵寒影有矮壁一鎧紅立轉憐伊不及轉攀粉甲染香

難得

曾擁柴門萬樹

余舊有梅  
花屋圖

書生寒骨相又寫高格酒醒狂歌

也勝豪家七寶九華張夕疏疏暗暗濛濛裏料蝶夢無由飛入有誰

人笑語簾櫳認是壽陽妝額

邁陂塘 春晚遇子湘于玉山行館酒次出咒紅豆庵詞相質

聲情妍婉當與鳧鄉陶太史相頡頏明珠在掌愛不忍釋遂借歸就讀累月致損眠食嗣後寄書見索即賦此解墨其後

鄭重還之

問何來一雙紅豆換他心字無數蠶眠密處餘香潤舊有淚痕微露

如欲訴結風絮前緣與夢都無據調鉛留竹有丸髻年華咒桃仙伴

同把小名注君子冬首枯桐冷除我更遠誰撫相思不了紅樹余

一小開顏曰紅樹懷人微吟賴此能過日又被箇人催去添別緒聽嬌極嬰哥

偏會偷傳語空歛愁貯際負月光陰落花時節私拾瓣香炷

史致充字石泉諸生去病案石泉爲赤霞之姪性孤介寒

離別難 寒淚

曾記條條玉筋頻拋向離筵早西風吹滿闌干點霜華消滴盡紅斑

便凍了舊恨新愁含辛成苦欲墮先彈更偷垂被底一回悽絕如水  
潑重單 腸欲斷爲情牽問何時鏡影能乾奈珠痕帕上都滿袖深  
微冰透也凝寒最難是夢裏溫存醒來酸楚零落無端詩天明早已  
雙眸枯盡蠻蠟替濟濟

金鍾秀字升之號子韶候選從九品有寒玉廬詩詞雜箸

羽仙歌 集停雲樓茗飲卽事

不聊如許又乾愁天氣冷坐閒眠太無計締幽盟只待三兩朋儕頻  
款款都在花間竹裏 輕烟縈翠縷活火新泉滿耳松聲夢猶記情  
話儘蟬嬌下了簾衣支短几冰甌頻遞愛潑水秋光耐流連更味醞  
香清靜參禪偈

月邊嬌 寒夢

重幔深圍訝獨自何來柔魂如縷悄然膚粟冥然股栗宛爾畫屏輕

度茫茫昧昧只舊日温温情緒梅花影底正月滿無人來去 忽驚  
夜色迷漫凍花燈盞碧朱凝亘錦衾孤擁冰簾自觸恍有玉郎延佇  
從頭記憶抱煖意癡心重作西風底事又飄殘鐘杵

張 沅字滄嶼

露華 集停雲樓茗飲卽事

水天景色有味淡風閒百嗜俱絕病起沈郎猶是酪奴情熱小樓幾  
陣清飈不辨竹梢松葉斜陽裏瓶笙沸來共破幽寂 翩然俊侶相  
集話顧渚蒙山同此寥泬薄憶碧蘿芳信采春時節便教舊夢都醒  
了了也還能說參一偈須他古梅花衲

疎影 寒影

昏黃煖閣訝彩雲一瞥牕網紗拓乍上銀釘乍下冰簾別是亭亭嬌  
弱長宵獨自停刀尺怕倦眼認還時錯怪素娥耐冷窺人又到篆文



闌角 難忘春時院宇夕陽淡在地花底行樂此際無聊修竹陰邊  
翠袖何堪垂薄朝來試與圓冰對只意態自憐猶昨憶夜深擁背和  
郎恰被畫屏偷學

張 澹字春水

去病案春水盛澤人性至孝遭父母喪廬墓三年並節客授貲葬其先世八棺人因是爭重之

菩薩蠻

殘鏡明滅青猶在一宵猛雨驚花睡風力憾書樓攪愁上枕頭 潺  
潺聲到曉簾外春寒峭不管病相如孤衾中酒餘

孫靈琳字伯貢號九琳亦號九靈

去病案九靈居平望性剛直事

之為人繪桑盤小隱圖一時知名之士莫不  
爲之題詠惜中年後以貧困終所著亦散佚

定風波 題岳忠武王玉印

篆剔魚龍白玉紫泥裏鎮水國兩字猶靈肯試教十客佩刀輕破問  
何如刺背文深模糊血和算只合忠孝侯章天錫堅貞配雙顆 母

澆午夜開囊魍魎應逃彩雲繞座歎謚賜繆醜堂顏六檜墓牌空豎  
冷烟寒鎖重千秋肘後曾懸連城名播定更尋文硯韓巖供養齋中  
佐

笠澤詞徵

百尺樓叢書

卷十六

邑後學 陳去病輯錄

清

唐壽萼字憲伯號子珊諸生有綠語樓倚聲初續集

秀水于源云吾禾言倚聲

之學者首數金風亭長君獨雅近之一篇脫手人爭錄去實心喜之也 去病案君少與鄭瘦山陳子玉交善二子皆好詞因以簾波鐙暈屬和詞成大為所賞初集未見續集二卷一曰松寮版茶為下帷清真道阮時作一曰夢涼餘謔則自悼亡後客

鴛湖作也

玉漏遲

春陰沈滯盆中水仙二月始花風簾雨幌婉悴可念

剪燈賦此夜寒彌益淒戾矣

怪春痕短短行雲何處半窗瑤碧乍見惺忪剗鞦香階無月不與素琴譜恨禁得過迢迢良夕清淚滴綠鬢低擁背鐙幽咽 可憐最小華年受何限春寒芳心如結舊約梅花怎遣翠禽傳說夜夜曲屏風

底拚訴盡肝腸冰雪休怨別重遺漢皋金珎

探春慢 上元節後春寒甚力澹日微陰時有雪意賦此遣懷

雲軟樓檐雨輕泣砌東風如此淒緊金鴨香溫綠梅笑淺盼斷芳韶

集作回首流年無影流水昏鴉外正寂寞谿山催暝剪刀初試封姨漫天斷

一作亂 絮零粉 又是春鐙落去想霧閣陰陰飄墜蘭燼翠鈿拋一作

長拋繡衾擁背一作笑說江南春冷嬾與尋芳約任別院黃鸝三請悄

一作靜 掩重門夢痕搖盪烟艇

臺城路 寒夜過穉雲寓館林月晶瑩幽輝一室顧念身世江

湖邈然賦此

江關搖落蘭成賦傷心樹猶如此淺水灣邊板橋斜畔有箇荒荒園

子迴波鏡裏訝含睇巖阿女蘿山鬼恍惚三生翦燈同寄瓦棺寺

翩翩淮左書記憶桃花馬健杏子衫麗風簫飄鸞冰絃怨鶴回首夢

雲千里離襟淚洗又楓落吳江思歸無計多少英雄誤人花月底

摸魚兒 春莫有寄傲石帚體

柳穆穆無人自綠江風樓上吹暝夜寒未要重簾捲料理曉紅衾枕  
窗燭冷怕照見離魂風絮無定影判花雨猛又攪碎空廊淒涼鈴鐸  
梁燕亦驚醒 芳時事更有何人重省心期甚日憑準無情最是桃  
花水流盡一溪殘粉流不盡這一曲相思春去人病損積垣斷井歎  
如此華年怎生分付獨自理瑤軫

齊天樂 己丑維夏辛甫叔斗夢琴子湘諸君以湖舫餞春風

雨不果之作寄示一倡三歎渺然余懷同調一闋

年年春去東風裏東風也應吹老碧海青天夢涼酒醒又聽蜀鶻曉  
早落紅未掃只鶴守空階幾叢瑤草那更幽尋沈沈雲戶洞天曉  
烟波畫船歸了賸零星金粉自寫殘照柳帶黃按蘋衣綠皺別弄潺

浚琴調蘭懷蕙抱怪燕子啣來斷腸詞稿說盡相思不如相見好

玲瓏四犯 雨夜無寐憶丙戌之歲同虞堂山塘餞春聽雨晝

船踈月山寺撫今感昔黯然傷懷倣白石翁體賦此

春水綠波夜船紅燭相思今夕何夕夢衾尋斷雨醒枕留殘月誰家  
水窗橫笛攪離愁寸腸堆積梁燕頻驚隣鷄再唱風露曉天闊 滄  
浪權歌徐發念五湖人遠襖靄空碧流年詩鬢改舊院繁華歇杜郎  
自是尋芳晚謾贏得啼痕狼籍休怨別拚相見此情難說

情久長 七夕同人集飲清真觀新月當盃涼花媚坐余懷渺

渺與雲水無極九靈穀庵邀余賦此均以爲感商氣也

秋河今夜分明鑑我傷秋句歎往日墜歡誰拾零落如雨那人還在  
否也莫問一碧高高玉宇笑塵世翠樽佳約鈿盒幽盟纔放手渾無  
據 幾簇涼華爛漫今如許尋不見簪花人影花底來去冰桃兼雪

藕酒徒散何況酒邊綺侶只賸箇拈鍼舊院露果荒臺費多少思量  
處

翠樓吟 綠荷花

荇帶輸藍蘋衣讓蒨亭亭玉清仙子翠窻空照影正十斛涼珠初賜  
高華無比訝瑟瑟江心悵悵秋思淩波未含情還妒石家姝麗 此  
際聞有扁舟擁烟簑雨笠念伊顛顛權歌人不見但搖盪碧陰三里  
流光如水話螺黛春痕鳳雛年紀西風裏斷魂誰弔一樽浮蟻

江城子 曉風殘月圖史石泉屬題

五更人起揭疏篷水浮空曉烟籠何處雞聲柳岸綠濛濛倦眼微搓  
殘酒醒人不見燭唬紅 數聲柔艣畫橋東玉玲瓏唱吳儂也勝年  
時匹馬亂山中鈴鐸郎當馱夢去寒刮面抗西風

臺城路 陸瑤圃元珪篷窗聽雨圖

翠樽紅燭昏羅帳重尋墜懽如雨牢落中年潺湲獨夜一櫂扁舟江  
渚垂楊萬縷怎緝住春人夢痕飛絮我更無聊僧廬假榻倦煨芋  
推篷水遠山遠只螺峯幾點依約眉嫵月細風尖燈涼酒醒別是天  
涯驛旅離情最苦更攬入秋聲畫樓砧杵誰解傷心蕢洲修遠譜

買陂塘

汪少倫元愔穆湖道暑圖

趁斜陽鬧紅一舸雲衣水珮無限炎氛祓盡空明境隨意笛牀琴簟  
窗六扇正翠蓋欹風鷗鷺闌凭檻離情恁遣問送客年時桃花潭口  
何處水深淺 前游事曾侍瑤妃清宴畫圖今日重見怱怱夢覺琉  
璃枕皺了觀河人面杯瀲灩算此度懽悰也似蜻蜓點風漪細翦想  
白舫延秋碧筩勸飲佳約甚時踐

壺中天 中元節前一夕飲穀庵水閣

世間哀樂被清輝照徹年年今夜水檻雲廊三兩處曾與題詩羅帕



沼曲芙蓉牆陰薜荔翠燭因風炮重尋舊院淒涼空有閒話 誰念  
月近圓時星星一點頭上秋來也便酌十分花下醖無分綠嬌紅姘  
螢火穿衣鷄聲翦夢回首前塵怕鳧翁老去憑君料理鄉社

水龍吟 乙未重午鷺湖觀競渡彩旗雲卷畫鼓雨歇余懷渺  
渺輒與烟水無盡臺未九靈各以所箸見示水聲鐙影恍然  
搖盪綵袂問賦此和之

彩雲何處飛來盪將一鏡風漪縐水製故事阿儂生長櫻桃湖口綠  
葉陰多狂華夢短十年回首看打招過了鳧飛拍拍只此景還依舊  
隣舫誰家歌袖似當年舵樓明秀香濃酒淺能禁幾箇追歡時候  
明日烟波不堪照影頓成消瘦賸湖光留取羅裙顏色嫩如鶯脰

綠腰令 薰風代序梅雨不來白日清宵所思渺然賦此

綠陰清晝過了水嬉節烟波畫船何處縹渺夢雲碧那有舊時雙槩

弄箇湖心月湘纍幽咽翠屏風底一曲離絃再三絕  
羅襪凌波去  
遠留此田田葉須待菡萏花開更喚疎篷揭笑問蘭期誰省暗與東  
風說素琴纔闋渺然身世又聽江湖夜吹篴

祝英臺近 辛甫爲余寫墨蘭便面上綴跋語云戲仿吳蘭雪

姬人綠春者并索拙詞報之爰賦此解

鬢蟬低眉葉嫵人影小翹楚一闋離騷竊窈隔煙語相思水複山重  
此情誰寄算有箇橫波儔侶 小名注纖纖幾筆銀鈎畫徧斷腸句  
苦費臨窗坐盡夜深雨可憐嫁與春風鸞飄鳳泊只贏得蕭郎詞賦

行香子 題吳彥宣 廷燮小梅華館詞

花月流年山水哀絃最消魂獨客江天吳歌暮雨楚些靈烟記秦孃  
橋桃葉渡鄂君船 歸敬紅舷佩擷金荃悵拏音渺矣成連按琴海  
上吹笛梅邊怕冷旗亭殘紅燭舊離筵

南樓令 客歲秦次游 廷樞以夫人眉影樓所藏小青像屬題

比余彙刻近詞適次游有定海軍營之聘稿不索得重拈是

解並寄次游

春綠翦冰綃春紅寫鏡湖閉春人曲曲窗寮自是傷春同阿麗渾未

肯夢雲飄 有箇人靈慧房中賦洞簫嫁微雲夫婿才高昨暮瑤瑤

緘札去正鐵馬雨瀟瀟

張寶鑄原名字塔甫更字羨甫號薇人闕里典籍有伊蘭室詞稿

花月填詞館綺語沈曰富撰墓志云君奉母能以孝養處昆弟

家甚謹飭諸子嚴憚不敢失尺寸陸日愛云君生平無所好

家政之暇即手一編尤耽吟詠周君叔斗陳君夢琴輩結紅梨

醉春風 酒帘

踏遍紅塵地馱倦青絲騎思量何處潑新醅指指指楊柳旗亭杏花

村店一竿搖曳 風裏招人醉也似膏騰態題來小字認分明記記  
記蕭九娘家紅塵一角夕陽如水

買陂塘 菱

碧迢迢曉光如夢一繩港口攔住水心鏡出花容瘦能照阿誰眉嫵  
絲曳去有兩角醞紅底彎彎涼風顫處似藕覆纖纖凌波不定  
妒煞采香女 閒歌罷爽口幾回到取尖尖刺手休誤嫩嘗剛好新  
鮮采那比蓮房心苦船載與看翠釜安排和雨和烟煮悄聞低語怕  
一夜風潮滿湖吹散忘却舊時路

前調 芡

盼斜陽涼花幾點釵莖軟立烟水露苞漸重擎難定褪了一層肥紫  
波乍起甚綠縐團團萬葉痕如沸羅囊誰寄儘打漿漁娃量珠手段  
擊破鏡奩翠 青青刺絕似箇儂心事愁根多少攢細擘開滑向蓑

盤走迸作鮫人寒淚枚啣未想乳滴餘酥定有胡麻味芳洲暮矣共  
水梨花殘茨菇葉爛一碧亂無次

前調丁丑 初春挈鎬弟讀書水楊池館春水方生蘆芽荻筍  
彌望無際倚此攄懷

又東風玉梅吹落香魂闌角栖住寒痕蕩漾鱗鱗水都向簾旌團聚  
清似許看几席安排準作閑鷗侶凭闌四顧有弄漿漁娃皂羅鴉髻  
短艇疾飛去 青纜破綠了垂楊幾縷鶯兒爭學新語料應惹煞長  
眉妒清福被儂分取帷下處只旺水旺風漫旺僧廬雨鐙昏夜午漸  
夢熟禪床咒殘佛號梳月一痕吐

前調 歸自吳門長風闌雨落紅滿院撫時感事愀然有作  
問長天濃雲潑墨一春何便多雨花光悵惘渾如夢間煞那時庭宇  
朝又暮恁綠慘紅愁容易年華去牀牀不住要丁屬鶻娘莫呼歸也

留者二分補 情無那多少香魂埋處憐伊都沒人主生成絕艷供  
飄泊一歲一開何苦寒幾度算命薄花花合受天工妒芳期竟誤儘  
罵殺東風返年無計難慰此酸楚

前調 春暮登弁山訪僊人洞見桃華萬樹妍媚泥人

者烟蘂塵飛不到小桃紅徧山路是身渾入天台矣片片打頭如雨  
惆悵語道似此花大沒箇人兒遇撥開香霧更梨日供雲鷓紅嗔血  
多少可憐處 斜陽外指點林巒無數阿誰來鬥眉嫵笑人凡骨殊  
難換枉此佳游一度時易暮偷飯熟胡麻第一先分與渾忘歸去試  
尋个樵童叩伊僊境消受福如許

前調 題家春水 澹西湖雨泛圖

怪吟蓬衝烟犯雨一枝柔擄搖緩吳儂可是真無藉來把全湖分占  
情汗漫渾不似徵歌命酒嬉春伴段家橋畔問寶馬鈿車匆匆去了

誰飽看山眼 頻年夢夢到雙堤堤半賺伊花柳憐眷者番肯負登  
臨興成得充囊詩卷差勝算儘湖影山光收拾歸新絹計程不遠偷  
再約東風重尋西子此是俊游券

念奴嬌 平江舟次重展虎阜紀遇册有舊夢成塵新愁如水  
之感不能自己輒填此解

鶯嬌燕姁問癡人怎穀痴情磨鍊記尋些些花下事便費閒愁無算  
窄袖拖春雛裏扶媚嬰武釵頭顛斜陽歸去柔魂拚爲伊斷 生怕  
一展輕綃臨風一度弱影都吹遠難保闌干无恙在何況桃花人面  
洗瓊湔愁停鐙佇夢留个相思券重逢偷許休教又博微榮

賀新涼 八月十三夜招同翁穆仲 維徐清華 錫奎 金銘 錫三

雲楣 錫第 仲蘭 九湘 家弟 穆甫 放舟 木蘭 洲 觴 月

似此秋光好道明明酒星天上幾宵閑了料理缺瓜船一隻墊思撩

人多少看鏡樣波痕新掃蓼影欲紅蘆漸白怕凌波羅襪都虛渺只  
涼月能尋到 烟襟露筵皆年少坐團欒銀餅索隱玉山拚倒嬰武  
杯輕蟲蠟瘦欠箇小紅嬌小還勝似月殘風曉空闌水天問話冷除  
眠沙鷗鷺誰同調歌一曲漁家傲

綠意 爲子湘題桐君小影册後

秋光似此只欠伊一桁陰綠如水曳斷殘蟬絮歇疎蛩直恁冷清清  
地銀床好夢渾無影更誰識嫩涼滋味况者時寂寂南鄰着箇牢騷  
秋士 閒想前番光景那家院宇裡碧意無際靜夜闌干薄曉簾葉  
幾度月明風細如何恰坐三生劫問可似鑿餘焦尾得箇儂寫上生  
絹也算此君知己

金縷曲 秋日偕家弟鎮訪陔采香同門于禾中不值際晚艤

舟湖上蟾影揭天漁歌媚夕風露沐首涼思浩然殊有觸于



秋抱矣

月上黃猶膩嫩涼天一鷗選夢就荷花底珠斗闌干河一尺悵望停  
雲無際莫冷得交情如水呼出蘆中人一箇問盟詩裏飯商量未風  
露外沈沈思何當載酒南湖去有漁娃纖纖雅襪盤盤螺髻畫漿  
烟波涼意頗婉婉舵樓斜倚怎禁得新秋滋味采歛芙蓉歸去晚怕  
明朝瘦損花容易歌緩緩隔湖起

疏簾澹月 寒月

西風正緊看白上紙窗一絲光迸開煞羊鐙花瘦麝篝香燼悄無人  
語三更後冷清清幾家團影流黃機上退紅樓外夜深休問對此  
際玉容端正便千里關山刀環同證萬古清光如許幾人無恨傷心  
舊夢梨花杳况無聊今夜酒醒茫茫昧昧悵悵惜惜此情誰省

百宜嬌 有似扁螺而長者土人謂之女兒螺江北水產也資

以佐酒甚佳暇日製此索薊吏繼聲

文蛤含波青螺上水又長幾番潮信阿嫂和羹索郎顧我風味者般  
尤俊餘腥去否便一响溫湯須準認良宵蠻蠟紅邊笑伊魚婢堪賸  
生愛是燕天仙品合倩玉纖纖一重重褪小字紅樓舊情碧水筵  
角春魂銷盡殘年餽食定分餉壻家偏稱甚過江絕少知名算餘微  
恨女兒蠶出水卽餒雖極寒不能帶至吾地

一叢花 白芍藥

名花骨相合仙鄉小謫豈尋常逢春難挽春同住但低頭无限思量  
十里珠簾二分明月玉夢可周防者時花事易荒涼雨驟且風狂  
人閒脂粉皆盡落况禁它靚服明粧深掩窗綃香魂珍重也只算孤  
芳

簾蠟影紅搖鮫綃翠掩正是昏黃時候滴斷春心相和迢迢玉漏珠  
任一桁低垂只香夢者番殘又漸沈沈寒逼酒邊今宵何處醒依舊  
年華應惜慘綠曾記簫樓冶思月明於晝一樣窗紗一樣笛床歌  
袖怎禁它暮雨瀟瀟使直恁綺懷酸透一聲聲悽入東風曉鶯啼碧

柳

高陽臺 陳夢琴以木香花詞見示填此遺之

棟子吹風荼蘼同夢春光欲去還留一桁重陰護伊翠蔓偏柔瓏瓏  
壓架矜晴雪舞飛英近傍珠樓倚斜陽人倦東風花挽新愁 春魂  
欲醒還重醉問誰家簾箔玉下雙鈎脈脈餘馨濃吹十二釵頭如絲  
莫便輕簪鬢怕新來鬢影含羞任惺忪可似梨雲一夢清幽

念奴嬌 十一月十二日集款冬花屋分賦寒閨詞昇寒醉

氍毹初下恰酣酣欲睡燈闌時候絕愛殷勤郎手勸忘了半醺醺後

煖勝黃絲低呼綠茗自拗梅華爇繡床且倚怕伊窗罅風透 猶記  
花底扶頭枕邊墜珥夢也蒸星舊因甚新來蕉葉量減比從前還又  
額卸豐貂顏欺蠻蠟慵數丁丁漏不知簾外雪花飛正如手

張寶鍾

原名

字尺寶號昔冶又字茗叔號蕙吏亦號香午諸生旌

表孝子有瑄朗閣詞鈔梅邊吹遂譜餅說庵詞

仲湘曰君賦性  
靜慧制行謹飭

閉門自修不徵遂聲氣里社觴詠興至則赴雖酒  
酣無詭浪叫囂之習接後進莊而和人多敬愛之

秋霽 集停雲樓茗飲卽事

如水樓臺正有箇秋人薄病初起渴忍愁懷瘦扶詩夢惺惺者般天  
氣忽聞鶴唳羽仙初約松風際蕭澹意剛好素心都向碧闌倚 消  
受此段絕冷秋光碧陰澄澄窺見甌底算平生冰襟雪抱祇應閒領  
玉川味試聽翠濤聲又沸一銚安處更欲喚起坡翁夜看娥影十眉

同比

瑤花 寒睡

梅英細嚼玉齒津津正華池芳引櫻桃小啓却忘了一點脂痕紅腿  
油窗紗戶恍吹上雪花瑩凝任者回嗔暝熏篝尙怕冰壺攜近 夜  
來貪看霜娥便芳欬微聞桃臉偎枕呵毫吟罷偏易惱帕上香螺痕  
印當風翠袖又禁得石華淒暈對茗甌綠憶春情葉葉撚成餘潤

買陂塘 曉發鱸江和仲子湘

碧條條柳絲垂處一蟬如夢低挂月痕賸印船牕白尺幅輕紗新研  
開曉乍看着水涼烟還似濛濛夜漁娃妝罷又脫下青裘鳴兒笑裏  
柔艣倩郎把 水荷小有箇蜻蜓閒正幾回偷眼花下愁波隔了歌  
聲遠桃葉而今應嫁惆悵話道綠已成陰何況人如畫回腸斷也儘  
拍徧紅舷歌餘水調誰更索羅帕

高陽臺 流虹橋和子湘

病蝶偎花殘鶯哭雨高樓人度春深春去天涯垂楊容易成陰咒餘  
紅豆相思苦况私情那託飛禽悄難禁斷了絲魂冷了香衾 劉郎  
便許逢能再奈桃花命短玉隕烟沉人已重泉情波尙滿江潯書生  
薄倖尋常極耐黃昏酸透春心莫孤吟夢畔愁邊萬一來尋

大江東去 舟過八尺和子湘

篷兒欹側訝浪花和雨船唇噴濕萬兀千搖渾不定柔艣一枝無力  
水國陰晴艫郎身世到此應驚絕片雲不管催詩猶自低黑 遙望  
白雨漫漫荒波卷卷眼界何愁窄鐵板銅絃高唱起只有怒雷聲敵  
風水奔騰魚龍曼衍咄咄如相逼一鷗無恙前灘斜立窺客

賀新涼 平望夜泊和子湘

晚飯餘艫罷趁斜陽繫橈何處水楊柳下兩面窗紗風不隔些子秋  
光先借只團扇招涼還把指點湖樓紅壓水有雕闌曲曲紋回亞眉

樣月窺簾罅 參差閒弄珠喉瀉想剛是蘭湯浴後墨羅衫卸謾訴  
當年蕭史事只算秦樓未嫁乍一點癡情兜惹知否箇儂涼太甚聽  
聲聲漸近三更也扶香夢偷今夜

邁陂塘 花朝同蔣子延楊辛甫訪王椒畦丈於易畫軒

一房山瑩然如玉四窗嵐氣爭射此間政是山佳處小築詩仙池榭  
人樸雅有一杖當花衣彩還如畫琳琅滿架問老去王維畫禪誰證  
茶熟共清話 山花放點綴闌干明冶好春終竟無價阿瑛仙去詞  
壇冷賴有先生清暇山對寫道老筆縱橫蹊徑何須借畫叉閒挂政  
墨夢員成 十年前曾乞畫 鞭材紛至問字滿亭下

綠意 詩筒

涼雲一握忽墮來几上詩夢都綠莫是天風咳唾隨伊吹來盡化珠  
玉不知誰是吟懷健但對爾平安相祝笑者番東筍真看中有管花

盈掬 曾記琅玕刻翠美人此贈我吟思千斛日暮天寒水驛山程  
來往詩魂應熟翻新肘後奚囊樣想辛苦管城同築算便教咫尺分  
牋也要此君三肅

夢橫塘 薄暮抵合溪不得登涉偃臥篷底聞轟雷吼雪聲詢  
之榜人曰此雨後飛瀑也覺爾時魂夢在清淨世界同筠友

兄製此

枕流種竹量石栽松此間風土清絕水夢山魂定并入矮篷今夕調  
倚歌頭篷吹舵尾一漚窺客鷺黃昏玉濺珠跳關心聽聲聲滴 那  
知身入溪山只空濤著枕清透詩骨滿耳潺潺笑人世箏琶何物算  
還是在山泉水清濁之間辨應得棖觸春風黃塵兩鬢問何時能滌

掃花遊 冒雨遊巖山

東風招客看兩屐拖雲一筇扶雨山靈笑語莫迷陽易唱綠陰遮路



醜石嵌空翠絡朱藤花古拂煙霧  
驀放出四山奇景無數  
休問垂釣處任古蹟荒荒幽尋無據  
舊時仙侶賸病紅未掃杜蘭香去  
凡手何人能洗山眉楚楚準留住  
作斯間萬梅花主  
山多古梅珠藤邑志霍曉居其麓手自刷  
滌奇石盡出今爲余叔竹虛先生所買將築生壙并營別墅焉

買陂塘 積雨初晴同曹尺玉水部朱甘白翰林久庵筠友兄  
泛舟罨畫溪清妍之氣沁入肌膚胸次五斗塵一時都盡

碧泠泠挈音曲折此間風景妍雅水邊漫惜朱藤老尙有萬花低挂  
晴放乍聽一路清潺無數明珠瀉鷗邊鷺下算詩夢能僊塵襟略浣  
清氣政如畫 烟林好莫問舊時亭榭娟娟叢竹青亞湖蝦出網光  
如雪笑向漁娃論價春事罷漸鴛侶嬉遊雙槳花陰打水天閒話趁  
茶熟山前酒沾上箸碧月停今夜

前調 八月十三夜同人放舟木蘭洲觴月

買蜻蜓漚邊尋夢落然來去無定常儀未到團圓候早已玉容端正  
渾似省更耐露禁風涼在波心等拏舟搖近只清話寥寥紅舫叩叩  
親切被伊聽 秋將半玉宇瓊樓休問者番須各泥飲相逢不是扶  
頭醉負此少年青鬢心事緊况一客蘆中容易吹簫肯 時蘭修將往  
吳江故云  
今宵酒醒怕殘蠟啼烟暗蟲絮月漸漸水天冷

楊廷棟字載安號東甫諸生秉桂從弟

去病案東甫能弈善飲尤  
工畫蘭與辛甫各極其妙

詞凡兩帙臨歿悉付諸火  
故存者甚鮮亦可惜已

### 長亭怨慢 絮影

又鶯喚東皇歸早蕩漾纖魂倩伊殘照認不分明慣隨風力共吹到  
去來如夢香徑裡紛難掃捉處訝都非但暗惹兒童誼擾 誰道有  
征鞍暫駐寫盡怨懷多少空痕萬點鎮攬入一隄芳草怕也是幻化  
匆匆更禁得萍踪飄渺算著溷沾泥差免春人懊惱

南歌子

簾幙重寒鎖闌干月正中客愁剛是酒杯空何處一聲長笛倚東風

玲瓏玉 藕絲

圓玉擎來且橫截付與銀刀纏綿不斷甚時早種心苗最愛蓮筒佐  
飲稱風前搔首詞鬢飄蕭涼招看當筵冰水共調 記取晶盤碎嚼  
任芬如難理瓊思偏饒遞到葱纖尙輕盈皓腕紛撩憐伊玲瓏心孔  
便真箇癡蠶縛定那算堅牢莫成片是相思愁緒未消 譚獻云體物  
賦心可通風  
興

施仁政字茜喬

瑤臺聚八仙

壽許母陸太夫人 許銓竹  
溪之母

寶婺呈輝瑤臺畔正當三祝稱觴海籌增紀斑衣戲樂萱堂瑤席上  
賓欣親頌玉堦前桂馥蘭芳却擎來蟠桃初熟杯泛霞光 華堂長

明寶炬譜雲璈雅奏壽頌高陽芙蓉競秀相逢荷誕飄香齊來花神  
月姨酒進是瓊漿曲羽裳遐齡祝翠柏蒼松似福有餘慶

笠澤詞徵

百尺樓叢書

卷十七

邑後學 陳去病輯錄

清

仲 湘字壬甫又字子湘號蘭修諸生有宜雅堂詞咒紅豆庵詞

綠意庵詞

黃燮清云子湘詞婉轉幽媚堂名宜雅洵乎其不愧也 去病案壬甫居盛澤與沈南一陳子松輩以學

行相切磋雖為諸生而無意科名惟好詩詞嘗搜輯邑人詩為留爪集人自為卷得數十家刊之會粵亂起君亦僅際卒矣

滿江紅 題岳忠武王玉印用述懷韻

百戰山河功垂就霎時收歎空騰此不磨名字至今烈烈健句偶題

江上寺小詞曾唱簾前月想書成押尾總須伊昆刀切 北盟耻誰

肯雪南渡弱且甘滅恨名刊燕石此生終缺紅潰星星餘熱淚碧凝

寸寸唯冤血笑當年多事鑄金章頒天闕

露華 集停雲樓茗飲卽事

長卿薄病對似水秋光正燥吟吻綺閣令暉商略賦成香茗故人小  
別相思也恁濁懷難忍苔扉叩斜陽一竿淡淡烟影 清談自見心  
性更小院瓶笙閒坐同聽不識籠頭紗幘是何流品漫將世味參伊  
一例膩甌腥鼎甘與苦茶星在天可證

點絳脣 汪又村屬題柳如是妝鏡柳未歸錢時居吾鄉歸家  
院見觚賸

影事分明那時常與嬋娟見一腔幽怨忍對尙書面 舊日妝樓回  
首應留戀歸家院靡蕪青斷月賸圓宵半

戀香衾 寒起

怪底紗窗層層護護不住日影三竿曉夢零星未曾完但聽梅邊翠  
禽語便擁被無計重圓強喚侍兒扶引冷墮瑤簪 欲下頻番又遲  
戀怕剗鞦立地先寒繡帳雙鉤一半才懸曉鴨宵長早香燼呵指煖

鞞髻粗盤怎禁得樓外碧瓦霜乾

邁陂塘 題南湖柳隱圖

傍垂楊更臨流水數椽廬舍誰築軟紅十丈飛難到門外週遭濃綠  
鄰早卜愛織葦牽蘿半是漁家屋耽幽厭俗便弄絮詞成攀條賦就  
未要世人讀 烟波隔笑我勞生魚鹿鷗邊曾未徵逐明年柳上春  
風動一舸定尋芳躅看尺幅算似此湖名只合騷人屬詩盟酒局莫  
驚起鴛鴦碧悒悒裏雙睡夢初熟

壺中天 春陰

隔簾風峭訝微茫浪影盪搖寒意嬾霧愁雲吹不散閣住冷清清地  
一鳥孤飛萬花同夢綠釀苔階膩曲闌干外夕陽微動如水 遙想  
窄巷孤村餽簫聲咽酒旆輕搖曳一角紅樓人悄悄有甚心情閒倚  
命履行遲呼鐙上早領略愁滋味翻開花歷試猜明日晴未

綠意 夏首春餘萬綠如水雨後意行默有棖觸

垂楊巷陌是一條別路春去無迹溼暈濛濛不管傷心直到天涯凝  
碧高樓容易窗紗暗漫指點茫茫林隙念那人嫵婉芳年有此鬢邊  
顏色 祇歎清狂小杜十年已爽約閒恨空積認取青袍點點痕痕  
淚比落花紅滴雨餘長了無情草合棄置尋春雙屐到爾時回首東  
風賸聽子規嘯徹

月華清 八月十三夜同人放舟木蘭洲觴月歌此侑酒

弱漿煙扶疎篷星瞰酒人詞客分坐水月微茫淡得秋心無那似垂  
虹一舸春寒只照蟹幾鐙幽火涼頗看冰輪吹上夜風旋大 拚與  
醉殘歌破任荻響騷騷蛩吟瑣瑣如此良宵不合等閒閒過正人天  
萬籟都清肯心地一塵還浣聽我有高寒水調扣舷誰和

揚州慢 題徐雪廬丈紅橋感舊詩冊



早倦風懷旋催星鬢墜歡直恁迢迢只尋春舊蹟尙宛轉紅橋話丁  
憶  
當日歌頭酒尾幾番題扇幾度聽簫算二分明月淒迷曾照魂銷  
十年再過賸橋邊紅藥花嬌奈酒客漂零詞人恹惘同賦無聊莫  
問杜郎游賞青樓外樹已蕭騷况樓中人影何堪重認香綃

拜星月慢 郡城延秋一集沈西雝丈招集清陰禪房分詠秋  
花得牽牛花

脆蔓縈愁圓花承淚點綴新涼庭院乍曉天光正青藍濃翦伴遙夜  
獨自消磨幾許風露只怕星期還遠一度開時算一平回相見較  
秋孃螺黛誰深淺晨妝理翠鈿都零亂怎奈淡日微熏便芳心微捲  
况柔枝不繫香車緩紅牆隔依舊銀河轉賸籬隙絡緯聲聲共機絲  
淒斷

解語花 延秋二集陳雲伯丈招集鷗隱園觀荷限賦是調

香清撲扇影豔窺簾開到花無罅嫩涼池榭垂楊外早許一絲秋借  
攀芳去乍聞隱約纖歌散罷禁幾番無賴西風吹老鴛鴦也 祇有

鷗鳧最暇挈朋儔三五來補銷夏綺懷兜惹沈沈醉肯負玉容嬌姘

商量冷話還只恐珮裳輕卸知甚時葉背跳珠涼雨中灑

時望雨  
頗切

高陽臺 抱珠水榭有贈

寶髻雲頰芳姿月滿羞他時世梳妝小語零星一般似說家常衆中  
也只無情對但秋波暗遞偏長分去相當黯黯青衫淡淡紅裳 當  
前怎便狂言發況難求玉杵易得珠量桃葉桃根空教妒殺王郎水  
中曲曲雕闌影替詞人折盡柔腸更淒涼丁字簾前一段斜陽

別銀鐙 題俞少蘭蘭申江惜別圖卽用元韻

底事淚痕如雨惆悵那人歸去寒色欺花斜陽眷柳賸箇紅樓誰主  
送伊南浦賺離恨心頭閣住 說甚飄茵着土只算前生定數第一

銷魂初三佳約煞費眼酬眉許情難忘處尙夜夜鏡脣如語

買陂塘 同張香吏贊曉發鱸江一舟逆風衆綠如水篷牕閒

話并紀所見用郭十三鑿諸暨道中韵

喚仄皮柳眼未醒一絲殘月猶挂曉光欲白先攬水掌樣波紋誰研  
迎暑乍問如此朝涼莫是新秋夜敏舫歌罷有荷葉搖風蕩篷障日  
團扇不須把 江鄉好只羨沙鷗閒雅夢隨軟漲高下小家臨岸門  
都閉惆悵浣紗人嫁休浪話看澹澹山眉還似張郎畫漁舡來也更  
婉婉柁樓苒蕪梳髻尖裏皂羅帕

高陽臺 過流虹橋感葉元禮事用竹垞太史韵

樓影銷紅橋痕斷碧愁波一段深深入面初逢門前綠未成陰此身  
不恨緣情死妒枝頭共命雙禽情難禁淚透單衫夢透孤衾 從前  
見也恁恁甚恁羊車去杳魚訊消沈一瞥東風桃花零落烟濤可堪

泉路微茫極喚卿卿來訴傷心謾沈吟寸寸相思斷到難尋

大江東去 舟至八尺水雲成陣風雨間作搖兀野岸蕭寥無

人偶歌此調恍惚魚龍出聽也

矮篷檐底鷺催詩頭上片雲如墨怒聽雷聲誼陣陣陡覺前程漆黑  
萬馬掀波一龍挂雨七尺孤舟立公無渡也收颿試看風色 漫道  
膽弱書生愁風愁水似此禁搖兀破浪雄心先小試引得狂奴狂絕  
喚箇黃頭看余赤手一弄屠鯨鐵以詩投水舵樓危倚吹蓬

賀新涼 雨後抵平望停船米市河月色在水涼風泥人隔岸

樓牕洞開簫聲清絕

笑語涼于水正惺忪黃昏雨過碧天如洗絡角銀河甚清淺更着眉  
痕月子恰照見紅樓雙髻一桁棗花簾不捲有清聲飛出欄干底橫  
玉管袖羅倚 風懷酒膽濃如此但沈沈宵深露冷應添半臂聽到

珠喉微澁處約略分仄年紀莫忘斷腸滋味笑問三生狂杜牧倘相逢值得銷魂未今夜夢月能記

月華清 八月十三夜同人放舟至木蘭洲觴月歌此侑酒

弱檠烟扶疏篷星瞰酒人詞客團坐水月微茫澹得秋心無那算常儀後夜團欒怎刻意者番梳裏涼頗莫風邊露際衫欵袖彈 拚與醉殘歌破任荻撲騷騷蛩吟瑣瑣能幾黃昏忍便等閒閒過只安心一點輸人奈窄量三蕉慳我還可有高寒水調拍舷催和

念奴嬌 中秋夜過紅葦庵見女冠桂孫禮月

瓊思瑤想問姮娥孤另甚時才嫁青豆房藥如水靜人在露邊風下珠數牟尼花拈迦葉心字香燒罷人間天上迢迢如此良夜 深悔大士皈依小名喚取秋怨年年惹一點芳心渾欲語况復玉簪開乍耐盡黃昏依他素影了却今生也者情除佛落然還向誰話

沈曰壽字延之一字笠君有綠意盦藁

去病案笠君居盛澤昆季三人俱尙風雅周叔斗嘗

主其家因共創爲紅梨之社一時名士爭相唱和蓋猶有承平之象焉

茶瓶兒 集停雲樓茗飲卽事

碧陰蕭蕭深院宇間滋味何人嘗取商略延清侶竹爐濤沸一陣松

間雨 肺病年時消未去涼露滴花瓷收貯無事還親煮阿青不平

見惆悵秋風暮

沈曰富字沃之號南一曰壽弟道光己亥舉人有受恆受漸齋集

去病案南一與陳子松俱爲姚春木入室弟子蓋以桐城派古文著稱于時者詞特其餘事耳

眉嫵 寒語

政俛貓呼罷凍雀喧餘燈影向窗滿取次停刀尺無聊賴喁喁忘了

宵半悄聽自遠况一重添護紉幔最難得瑣屑家常事儘他也腸斷

曾否三春庭院記比花更解和絮同輓容易年光盡閒愁重眉頭

多事還展比肩較煖耐幾番簫局都換待留與來朝餘緒尙懷款款

買陂塘 白蓮花

忒微茫溶溶月色美人家在湖

譚作前

浦紅情綠意都消歇

譚作塘持贈

冷

抱一重幽素天欲暮似織罷機絲吹化涼烟去爲伊小住只倚玉無

痕偎香有夢自恨不如鶯 田田外一段相思最苦夜深多少風露

鉛華洗盡天姿見相對何須解語愁幾許着一片秋陰似霧還如霧

持杯問取縱雪貌難醜風裳耐冷獨立甚情緒

譚獻云高逸

滿江紅 吳愚甫丈冬烘先生圖

禿樹低垣正晴旭暖融牕紙朔風遞書聲清澈如餅瀉水五十不官

成學究六經能讀稱名士有熱腸一副比爐溫未灰死 硯田入供

甘旨一絲溢妻孥耻儘布衣茸帽一寒至此酒熟頻邀隣曲叟詩成

自笑村夫子任豪家錦帳煖如春冰山耳

金縷曲 重午日飲松風亭疊均

自古賢遺堊有三閭大夫懷石泊羅江下闔闔九天高莫極鳩鳥不  
媒何嫁枉問徧神福壁畫處處龍舟沈角黍但誼國士女紛車馬干  
載恨孰陶寫 焉能鬱鬱居鄉社又恣恣一年時節三分二也長與  
戶齊誰氏子人往空留堂樹取劍鏃朝彈至夜美酒肥魚酬令節任  
明朝囊底空空者容我醉荷亭夏

前調 雨久獨坐陳梁叔以黃研北丈新詞見示訂暑中集飲

次均奉答

衆綠生一作盈 郊堊政家家一作最 黃霖時節雨浪浪下已是兼旬門

不出閉置宛如新嫁但坐看漏痕成晝涼句飛來雙屬玉羨揮毫疾

似追風馬清響會我心集作瓦溝寫 乍聞酒戒開蓮社不愁他炎官火

繖從公遊也一作但相逢布衣 幾度松風亭外望認昇仙人樓榭愛



高柳蟬聲近夜航兩三人溝丈八怕天公又一作阿香來作催詩者雲黑

處正一作雷鳴夏

前調 叢桂堂酒後偕二陳聞笛悼俞桐伯登均

瘦島寒東壑話當年賦高軒客愴然淚下玉樣清霜冰樣月青女素娥同嫁問絕代嬋娟誰畫是鬼是仙渾不辨吐長虹壓住金環馬思舊賦笛中寫 穠桃郁李成羣社遠遙遙廿年中事最難忘也青鬢與人猶日遠何況嘯臺吟榭有炯炯心光未夜長共樵兄漁弟老博才高一世何爲者且閉戶過炎夏

水調歌頭 前詞成梁叔和以此調倚而奮之

何處笛聲起吹落酒尊前不須從爾陶寫哀樂慣中年樂莫樂兮相識哀莫哀兮相別何況隔人天天上亦何好幾度葬神仙 難忘處風雪夜共無眠世間多少俊物无爾意纏綿人道文章驚世又道風

流好事此意更誰傳揮盡故人淚應不到重泉

摸魚兒 餞春用稼軒春晚均

驀開簾落紅如雨紛紛蜂蝶飛去餞春曾記杯盤盛歷歷舊游人數  
留不住悵半入泉臺半向天涯路了无佳語對瑟瑟輕寒晝長人倦  
獨自擁衾絮 晨鐘動勝事豈容再誤吳霜斑鬢猶妒少年宛似青  
陽候浪擲又將誰訴聊起舞渾不信文章爛賤如泥土梅酸酒苦且  
與論英豪烏啼日暮寂寞在何處

浪淘沙 癸丑除夕和魯子容飲仲壬甫丈宅紀事均

挑盡畫叉錢閒煞坡仙椒盤留客續前緣我是道人姜白石除夜歸  
船 何物可忘天痛飲年年今宵一盞已頽然債主雁行君且去我  
醉須眠

水調歌頭 甲寅閏中元前一夕白洋泛月

明月不長好行樂及良時不愁今夜陰晦但恨我來遲且復移樽喚  
渡容易提鵬挈鷺蕩漾水之湄頃刻清光滿晴展爲伊誰酌佳釀  
然巨燭唱新詞那知許事江水東去日西馳可歎周郎赤壁更憶髯  
翁坐客幽咽洞簫吹水月無窮在一笑盡餘卮

摸魚兒 蘆雨庵小集同王四篁武尹調

最難忘莫愁湖水一泓雲物無際此間亦有紅闌影惜少數峯青耳  
聊復爾待買尋好溪山住何年事微吟薄醉便藕未花開碧蘆葉葉  
已足暑塵洗詞客健老去一行作吏松間公事餘幾隱囊紗帽相  
從樂玉屑霏霏塵尾呼月起更招手閒鷗蕩漾空明裏清歡未已怕  
露溼吟篷蛩鳴野岸興盡我歸矣

沈曰康字安之

品令 集停雲樓茗飲卽事

竹簾陰裏受日影娟娟細小樓低亞良朋款曲素瓷鳥兒不是文園  
病渴也多閒味 一聲聲沸說夢處安禪地但餘空馥并無遙籟沈  
寥天氣七盃底須嘗罷已清風起

柳清源一名字鄂生號松琴晚號覺翁諸生有焦桐吟館詞三卷

殷壽彭云松琴家素封無華腴之習壬辰冬室廬燬于火焚燭殆盡獨詩稿及所輯家珍集以索序得全

攤破浣溪紗 題寒松閣詞

一卷新詞豔翠苔南湖烟雨溼吟毫合喚雙螭花底立替吹簫 春  
水綠波涵別恨秋風紅豆簇愁苗惹得江南頭白叟也魂銷

柳梢青 送春仿竹垞體

春欲行耶亂紅吹盡興也闌耶杜宇聲中曉鐘敲後肯暫留耶 東  
風魂斷誰耶銜別恨鶯耶燕耶芳草連天落花滿地何處歸耶

鳳皇臺上憶吹簫 觀劇

秀麥風輕收茶雨歇却還天氣清和正柳絲千縷低醮鱗波裝點昇  
平景象芳郊外舞榭峨峨句春住千叢粉綺一片笙歌 無何看場  
散也剩啼鳥留人學喚哥哥笑夕陽紅處孤影婆娑不惜杖頭錢盡  
沾綠螿還佐香螺扁舟返吟朋兩三儘穀消磨

殷壽彭字雉斟號述齋道光庚子傳臚官詹事府詹事有春雨樓

詞稿

去病案述齋先世居歙上里殷村七世祖士喬明季避水  
患始遷居邑之長田及君乃以績學成道光八年優貢旋

入詞林掌文衡而君弟壽臻姪兆鏞亦相繼拔巍科致通顯蓋  
君實開其先路云平生尤精八法酷嗜碑版辨別真贋殊得神  
解收藏甚富均自爲題跋攷核極精兆鏞父東溪先生增亦嘗  
病袁景輅所輯松陵詩徵限於近代不及往古乃溯自晉張季  
鷹以來迄于明季諸遺民成松陵詩徵  
前編十二卷尤爲一邑文獻所關云

金縷曲 李石巢招飲

羅幌春寒淺正思量墜懼拾起閒書花片剛好玉臺新體製一尺瑤  
華先遣快短幅雲藍牋展盟了薔薇添了炷算擅場前輩吳生遠兼

下酒鳥歌勸 長安枉想看花徧  
歎年年依人活計說還顏  
覩朝又抱書宵抱影空  
把深情繾綣且去逐東門  
黃犬也勝帷車羞閉置  
長賣文作畫書驢券  
高歌罷望青眼

菩薩蠻 集竹垞詞

花源豈是重來誤  
游絲不繫羊車住  
鏡約總難諧  
催歸嬾下階  
紅樓思此際  
再見渾無計  
舊事費迴腸  
封書遠寄將

賣花聲 集竹垞詞

箏語燭花偏  
小院疎簾斷腸  
春色又今年  
雜體江淹三十首  
百福香奩  
惟有影相憐  
坐裡吟邊  
蘭期空約  
月初弦  
賦就閒情添  
口業  
研粉長牋

蝶戀花 集竹垞詞

胡蝶團欒花底住  
喚取深杯  
夜月脩簫譜  
流水高山多樂府  
魂銷事

去無尋處 總是人間斷腸句減字偷聲悶把芳時度只有琴心難  
寄與鍾情怕到相思路

金貂換酒 爲蔡嶺香題冒巢民墨蹟冊

多少滄桑恨劇淒涼空花人世竟無憑準五十年前如夢去回首都  
成電影歎零落知交略盡鉛水銅槃盈把淚泣春風珠履華堂冷提  
往事只休論 黨魁名字爭廚俊 先生與商邱侯方城桐城方以智  
貴池吳應箕宜興陳貞慧時號五  
公子到殘年豪華轉眼黃金虛牝剩有百錢閒拄杖一笑皤然雙鬢也  
莫問梅花高詠但奉畫禪香瓣在晉和唐默向淵源證留墨寶照豪

穎

桂枝香 題徐竹君遺像

披圖重認歎馨欬依然年華泡影游跡秦淮幾度追隨鞭鐙十年隔  
得春風面聽山陽笛聲淒緊海珊誰網荆珍獨抱况留遺恨 喜風

雨彭城人近把鄭堂箸錄文園稿本收拾零珠付與藏山刊定只今

我亦傷心者劇酸辛詩夢孤冷寒牕蛩語寥天雁叫寸心常耿

黃增祿字子芾又字伯穀號穀卿道光庚子舉人有拜石詞

周之楨云

孝廉居恆閉戶自精開作詩及畫俱名雋工細楷宗法錢松壺去病案穀卿世居垂虹釣雪間其老屋即鱸鄉亭故址也嘗

有題尊菜畫冊詩云西湖未必勝東湖浪說長蘅一幅圖我本鱸鄉舊亭長年年風味飽尊鱸其風流逸致可想見矣

### 百字令 憶西湖舊游

迷離煙雨指湖山暢好故鄉無此別後鶯花

黃詞綜續編作匆匆誰管領贏得

相思難已

黃作滋味

塔影欹紅柳絲漾碧約略圖中記星星春色落花

丁作

英

飛墜懷裡

遙想葛嶺亭臺南園泉石

黃作東晉頽垣南朝故壁

都付滄桑矣

桂馥荷香猶似舊畫舫於今有幾

黃作剩水殘山猶似舊笑殺英人有幾

且任清游重

期後約莫負吳儂意

丁作莫道銷金易

澹妝濃抹祇應常比西子



春到隄邊柳正東風絲絲煙影綠波吹皺如此湖山恩恩去那禁相  
思歸後借摩詰詩情畫手背地描摹神逼似算明妝西子還低首常  
出入君懷袖 年年閉置如新婦弄扁舟煙餐水宿者番消受落拓  
清游誰省識笑問巖頭靈鷲更幾度花新月舊雪滿孤山梅萼破可  
重來夢與胎禽就操此券歲寒守

疎影 題疎香閣主遺象

一聲碎玉渺瓊樓倦去前世緣宿十里汾干六曲湘闌當年曾倚修  
竹冷香透出疎林外便問訊江南江北想寒簧月夜歸來依舊詠花  
人獨 猶記侍書月府緣塵偶小謫慵鬢梳綠問愛吟詩悟徹繁華  
打疊梅花繞屋祇今翠羽空啼夢生怕聽玉龍哀曲倩龍眠背地描  
摹認取生綃橫幅

暗香

空濛月色忍清寒如許江城孤遠喚起玉仙遙夜香燈引扶摘懺斷  
重重孽障只灰夔悔留詞筆訝則甚疎閣昏黃難認舊瑤席 香國  
羣寂寂歎鶴守冷清者回愁積瓊瑰易泣悵望縹山迴相憶何處珊  
珊重步但畫裡一椽撐碧笑煖夢夢熟也幾生修得

浪淘沙 題天寒倚竹畫册

慵唱女兒箱秋老瀟湘一番徙倚一思量  
恨玉誰教添半臂怕冷殘陽  
獨自轉回腸問立昏黃莫輕彈淚溼衣裳  
製作扇兒裁作笛還要淒涼

仲孫樊字補侯號博山道光甲辰進士浙江中防同知加知府銜  
有窺甲集

水龍吟 題夢鷗閣圖

樓頭橫枕湖光吟魂飛入湖烟裏  
婆兒何處打魚慵無蓼花扶起落

冥機忘蕭疎影曠無情有意儘秋風吹也秋波涼也寒不到茲盟誓  
便欲淩波浩宕訪鄰翁海天遊戲麻姑一笑桑田中事浮沈如此

栩栩圓時遽遽歸候吾廬遙指有一分楊柳二分明月七分流水

計光炘字曦伯號二田著有守巽齋詞于源云曦伯于畫師石田南田近複製為長短句似

樂笑翁則又瓣香玉田矣去射襄城二三里為雁湖橋上有亭曰冠鯨一名野水又有僧舍曰小滄浪曦伯嘗消夏于此風帆

沙鳥烟波渺然此畫境亦詞境余年來作就倚聲第不能工他

日當擊扁舟擬短笛與君展唱于瀟湘柳屋間倘相許否去

病案二田為改亭後裔居王江

溼介吳越間故或稱秀水人

### 憶少年

蕭寥棋局頽唐酒盞荒寒詩格銷磨遽如此况人非磨墨去日如

雲何處積杏無踪那堪尋覓還君鏡中見一絲絲添白

### 蝶戀花 懷錐庵吳中

記別君時春未暮客裏春歸君自歸期誤落盡荼蘼飛盡絮榴花早

又紅無數 畫舫蘭橈無覓處 今年吳門 无競渡 烟艸淒淒綠遍橫塘路合

唱方回腸斷句黃梅時節蘇州住

西子妝 丙午四月十四夜醉後偕桐伯子宣泛舟雁湖登冠

鰲亭人影寂寥酒懷悵觸相與徘徊久之不自知感之何从也

碧宇銷雲金波縹月一棹空明搖蕩蕭條渾不似春餘聽菰蒲早驚  
秋響絲楊繫榜問一角荒亭無恙更誰來賸邊鷗鷺依依三兩  
烟波曠比似西湖也祓無多讓生憐睡起苧蘿人未梳鬢鏡臺羞傍  
休攜畫舫付漁艇餐風眠浪又殘宵酒醒還添悵惘

百字令 立秋前二日風雨間作新涼洒然雲陰覆檐黯如欲

暝

蕭蕭何處是篩空疎雨欺荷驚篠準待迎秋秋未至秋信因風先到

九點青描黛妒殘陽明滅瞥見還遮縹緲詩心憑闌目斷飛霞寂寥  
欲賦懷人句黯離魂吹向天涯更何堪感舊吟成掩卷生嗟

憶前游 題丁石香遺照册册中圖四曰橫江擊楫策蹇遊山

隔溪懷舊曲巷尋春繪者翁君小海今亦歿矣

悵前塵易杳舊夢難尋話也零星是處江山好記吟秋策蹇酌月揚  
舫故人早悲黃土休問碧紗幮况哀樂中年誰能遣此付與丹青  
傷情展圖處見灑落風姿彷彿平生最憶年時事共絃詩觴酒多少  
鷗盟轉眼又殘春夢鄰笛不堪聽赤爪印長留秋空望斷鴻杳冥

宋恭敬字勝吉號惺甫有拜石齋詞一卷

于源鏡窗瑣話云盛澤

聞川計曦伯光所從甥也甫晬而孤迨入塾師金甘叔茂才作  
霖工書惺甫自幼即悟其筆法十餘歲能作擘窠大字即似其  
師喜吟詠尤嗜填詞白石集皆能背誦故所居名拜石齋又工  
畫梅初無師承意在冬心叔美間向曦伯貽余畫扇其一面為  
惺甫書甚愛之去年見曦伯所攜扇又其所作小詞亦頗有清  
空綿邈之致昨日曦伯書來知于梅花笛裏已賦游仙為之悽

絕

菩薩蠻

層層遠樹青如霽  
殘赧天際紅於綺  
一餉好斜陽  
樓頭人斷腸  
無言空有淚  
樓下長流水  
過盡錦鱗魚  
曾無尺素書

減字木蘭花

梨庭過雨簾影惜  
惜愁獨語半榻茶烟  
夢到瑤臺阿母邊  
草香花暖六曲瓊闌  
緣砌轉玉兔初弦  
正照文窗了鳥間

高陽臺 秋日小步慶壽庵卜孟碩先生讀書處

斷渚橫舟連畦植杖  
依依幾室村農古柳  
疎篁茅庵曲徑微通  
蓬門半掩無人到  
但欹牆露萼凝紅  
渺前蹤野鶴孤飛  
幾樹吟筇摩挲  
不盡低徊意  
悵文牕蛛網篆碣  
苔封三百年來  
蕭然誰繼清風  
商量琴硯從安頓  
有白雲遍戶留儂  
儘從容楚些悲歌  
好和疎鐘

摸魚兒 題李五丈蘆雪菰烟老釣師圖

寄幽情苔磯片席烟波鷗與分占筆牀茶籠無多具鼓枻悠然忘遠  
真嬾散向日出烟消看盡巖雲展頭銜乍換比白石佳名轉庵好句  
一例任稱喚 蕭疎處淡倪迂幾點摩挲幾度生羨一竿靜把原非  
釣自與蜻蜓風颭綸漫卷便廣設三千也作尋常看休嗟晚晚正晴  
絮零秋涼颿戰雨詩料好裁翦

卷十八

邑後學 陳去病輯錄

清

陳壽熊一名字獻青號子松府學生咸豐十年殉難有靜遠堂詩

餘去病案譚獻撰篋中詞嘗合子松辛甫南一為吳江三家以云足見其詞之有定評矣

邁陂塘 題徐虹亭檢討楓江漁父小印為仲壬甫作

為蕤鱸拋將華綬竭來灘畔垂釣頭銜不逐詞臣署添箇篆文紅小  
鴻印爪儘粉壁雲箋寫徧松陵道回頭一笑把崔氏遺詩元真舊曲  
并作散人號 摩挲了想見昇平才藻玉堂人物多少湖山潑黛波  
如鏡還得一竿投老留畫稿有白髮詩僧石墨裝池好檢討楓江漁  
山民丈會芝泥香繞算家世徵文鄉閩攷獻先後共懷抱



乳燕飛 和春木先生用辛稼軒韻

雲氣浮平野出衡門長空孤鳥茫茫天下東郭先生吾未識處子依

然不嫁看細柳眉痕新畫禿盡枯楊無一葉分韶華與我集作爾集作風牛

馬底哀樂可陶寫 夕陽簫鼓粉榆社縱江鄉無一作田可種我猶

歸也早是春風留得住花發城西臺榭但有酒臣能卜夜倚醉狂歌

公不怒惜悠悠今集作無集作古無來者好集作急集作攜屐趁集作及集作初夏

前調 疊韻寄張詩船方伯甘肅

春草生邊野又盤盤大雲含潤絳霄飛下五嶽游蹤旌節底不著向

禽婚嫁愛苜蓿榴花如畫風月江山揮灑徧更蒼茫西向歌天馬清

角起壯懷寫 塞垣自作鷄豚社看紛然東南財賦公真樂也燕寢

香凝賓客醉應是家山亭榭料椽燭花開深夜善政紀詩詩寄遠有

一牋分寄漁樵者屬而和秦聲夏

前調 疊韵題葉桐君廣文柳源

漲綠溪環野，嫋長條煙鬢臨鏡。高高下下，經卷藥罇，方丈室却有楊枝未嫁。爭不放，緋桃入畫生，恐斷霞隨水去。喚嬾雲遮斷，尋芳馬武陵事更誰寫。蘭成枉賦，枯桑社宅邊，春依依如昨。先生歸也，密處藏鶯，疏映鷺不索。曲廊迴榭，且莫問曉風殘夜。六月荷隄，真好睡，訝黃塵揮汗何爲者。此間樂可消夏。

前調 和黃研北刺史仁疊前韵招飲之作

投老歸林野，有家傳涪翁。集作秀句無虛名，下絕妙機絲，問組織猶似天孫初嫁。待看取鴛鴦偷畫，豪宕蘇辛無處使。向蟻封若箇能盤

事，那復索翠箋寫。

集作那消得紅箋寫

祇應來埒香山社，賦問居年過三十。

鬢蕭蕭也，冷醉不愁當火。令況有篁中風榭，雲澹灑月圓良夜。莫道

此中誰

集作惟

可飲算此中不飲，胡爲者。甕天樂鮮

集作無

冬夏

水調歌頭 題陳怡雲際青俞桐伯畫冊同沃之梁叔叢桂堂

酒後聞笛作

一掬故人淚茹吐已頻年飛鴻偶然留影淒絕復鐙前遮莫寄愁天上更欲埋憂地下難遣是人間霞氣鬱修夜玉樹揜重泉紅梨渡雁湖側玉峯巔當時酒懷茶話今夕助無眠人道孝章憂死又道伯輿情死已矣復何言自寫斷腸句不待笛聲傳

八寶妝 倭奩 奩得之故家綈裏綵質通體堆垛螺貝之屬

縹碧璀璨殆數十種其蓋了不見關鍵啓之鏡也前人多有爲倚聲者王甫以此解屬和卽同其韵

珊網餘珍貝箱遺錦百衲爲誰所製龍女臨妝開寶月有此十分瑰麗如何拋了翠鈿留却脂痕空空只合盛鮫淚休問遠山螺黛當時情思且看蟾鎖藏機螭房比密等閒人巧難例算細甚閨檐翫物

歷多少滄溟迢遞待售取倭刀相儷醉歌豪洗春紅膩也省學香奩  
蠻牋苦費眞珠字

金縷曲 題辛柳論詞圖

便作詞人了儘消磨才思尙有花穠月皎喚渡紅梨往來近雅諳清  
談都好且未恨春風易老老友江湖窮橐筆更燼餘白訂叢殘稿憐  
晚景也同調 偷聲減字工夫到問誰誇屯田清婉稼軒排冢酒社  
吟朋昔年事末坐追陪多少還看取圖中玉貌耆舊風流休復數只  
吾曹鬢亦星星早歌一闋愁難掃

孤鸞

綠曉莊

卜孟碩  
故居

荒庵蕭冷任門外悵悵嬾雲遲醒殘夜虛樓容得一仙棲暝前捲水  
楊野竹想前時苧衫紅影休怪得來奇句在絕無人境 襯孤煙涼  
月墮圓鏡便望鬼幽情如此孤耿欲酌清觴并少危欄堪凭飛來碧

霞淺住盼塵中祇應微哂何處泥無小款問比鄰爭省

垂楊 河東君故居

去病案柳如是初號楊應憐居盛澤歸家院詞蓋指此

靈香已往只靡蕪長徧舊時橋巷鏡杳妝臺曉風來也徒窺幌討春  
誰更虞山上料一例蝶衣空颺算芳蹤多分銷沈沒箇艤煙舫 脈  
脈教人暗愴有老柳陰中溪痕消長綠到枯株幾枝猶掃眉山樣尙  
書甲第維持仗妥官舍瓣香遺像 昭文縣署卽牧齋故第河東君妝樓小影尙在偏餘水榭  
蘋花閒自放

鳳皇臺上憶吹簫

題品詞圖

楊辛甫仲壬甫兩丈嘗屬改

君七薌爲是圖已燬於火此爲張某摹本

霜蕊凌寒冰丸皎夕飛來石帚詞豪問誰能點筆傳此清寥當日玉  
壺手蹟圖中樹亦已香銷更休問故人老去木拱秋皋 蕭蕭疏林  
一角還我舊游時人影溪橋賴風流張璪重寫生綃珍重前塵影事

揮清淚尙有朋交好留與燈殘酒醒棖觸中宵

長亭怨慢 較宋斗山維庚遺稿卽用其題黃墟感舊圖韵

已瑤樹身埋黃土只賸殘編可能千古一粟滄溟姓名傳世了無據

爲君三歎且葉葉重翻取又感觸萍蹤見隔歲樽前酌句謂丙辰春集午生家

分韵 休顧看落花逝水怎得挽將春佳良朋永訣草乍宿衫痕還

汙料存日賞爾清才定追逐芙蓉城去斗山之歿後南一不半年曩時南一嘗贈以詩有尙有詩

人宋斗山之句 只我來游怕問湖干鷗鷺

邁陂塘 題楊利叔燕山匹馬圖

倚征鞍漫漫風雪仰看一雁飛度男兒墮地無南北眼底家山何處

吟短句有慷慨嘉州特擅一作著幽并語摩挲絹素一作華顧鏡裡鬢

鬚一作鬚閒中髀肉也待捉鞭去 班生筆幾費傭書朝莫憐君意氣

如許吳根越角游蹤隘便儼風塵馳騫休自苦看戎馬書生若箇堪

千古糟邱萬戶歛摩盾才華射雕身手痛飲對歌舞

董兆熊字敦臨號夢蘭諸生成豐元年辛亥舉孝廉方正有味無

味齋集

去病案夢蘭父王少資于董因從其姓母卽松筠節婦也一門賢孝爲桑梓重生平弘覽博物與南一子松齊

名工駢體文尤勤纂輯成書甚富惜後嗣零落未之刊布至光緒朝遂并其所藏弄悉歸江氏靈鶴閣及江氏衰又歸毗陵

宣懷矣

### 水龍吟 題夢鷗閣圖

菰蒲深處涼多灣頭小閣幽人住嶮崎歷落麤疎潦倒杯盤起舞星

渚撈蝦烟汀射鴨滿衣風露更松江一櫂盟鷗卅六偷學箇張平甫

我亦忘機已久樂江湖紅塵夢破扁舟散髮張帆跋浪兜簑犯雨

蓼岸蘆碕招邀逸客搜尋逋句待酒酣引興鳧鷖前導遲君南浦

金春渠字懋成號芝生諸生

金祖澤云先祖績學工詩文名重嘉道間與同里董夢蘭兆熊陳仙序宗

羣等齊名兵燹後存稿散佚殆盡左詞兩闕係從里中故家搜得者吉光片羽僅此而已

滿江紅 題王第花茂才元榜授經圖

道子籀金誰似這青燈有味更喜得飛來雛鳳天生聰慧萬竅玲瓏  
壺映月千言汎濫餅翻水答牕前涼雨洒芭蕉聲聲脆 槐堂上含  
飴愛蘭陔下趨庭對羨一門三世靈椿丹桂賁子陶潛詩不作傳經  
劉向圖重繪便玄亭問字許侯芭我猶媿

壽星明 題蓮溪張太君桂子蘭孫圖

芝瑞堂額名開一朵靈萱壽且康強數青春操作釵荆布白頭偕老  
玉佩金璫梁案眉齊萊衣膝繞和氣真能致百羊春暉永指南山爲  
證齊祝如岡 溪蓮花老秋塘趁佳日園林晉一觴喜叢叢秀挺堦  
蘭四照森森玉立庭桂聯芳慧業三生心田一點百八牟尼手自將  
披圖處儼神仙丰度菩薩心腸

金文淵字小覺浙江淳安知縣有笑吟軒詞一卷



生查子

深坐下疏簾簾外芭蕉雨一滴一聲秋不管離人苦  
底用怨殘更  
歸夢無尋處蟋蟀未知愁絮絮空階語

袁廷琥字繡和號少雲白號綠天居士諸生有書隱樓詞稿

點絳脣 秋海棠

倚徧闌干撩人朶朶增嬌態紅顏憔悴妝罷羞相對  
慣惹離思攪  
得愁心碎花如睡雨微微灑暗滴悲秋淚

如夢令 題鄭性蓮深林獨坐圖

如水月明庭院竹影橫斜初轉露冷濕冰絃裊盡博山香篆人遠人  
遠除却嫦娥誰伴

滿徑綠雲深窈窕待到冰綸來照蓮漏滴遲遲聽報三更過了風悄風  
悄只有琴聲繚繞

玉蝴蝶

長笛一聲秋到月明如晝夜色清寥愁緒無端惹起暗鎖眉梢寄幽  
思七條絃弄吟短句一盞燈挑聽蕭蕭風鳴窗竹露滴芭蕉 今宵  
無眠起坐羅衣單薄冷透疏寮美景良辰此生都爲病魔拋怕新涼  
慙慙骨瘦尋舊夢黯黯魂消漫相嘲儂如蒲柳兩鬢先凋

虞美人 題仙女採芝圖

花飛滿地無人跡芝草巖前碧一溪流水小橋橫隔着層巒鶴唳一  
聲聲 羅衣單薄仙風冷曲徑松陰靜歸來洞口白雲深背荷花鋤  
步月發長吟

點絳脣 病況

拋鏡休看新教恨事添多少吟魂孤悄雙鬢如秋草 似水年華日  
月催人老傷懷抱殘紅未掃轉眼春歸了

菩薩蠻 秋夜風雨

疎林攪得儂心碎  
淒涼易洒離人淚  
眞箇可憐宵  
憑誰話寂寥  
蕭蕭還切切  
和漏聲聲滴  
一滴一聲秋  
蕉牕何限愁

袁汝英字協銓號愛廬廷珍嗣子諸生有懷夢草

惜分釵 悼亡

銀缸碧紗窗黑合歡牀上人兒隻到更深怕寒侵曉夢迷時宛轉羅衾尋尋  
幽明隔空追憶會須鴛塚營春陌慢沉吟迸哀音舊日情  
惊鷲地而今心心

南柯子

薄命桃花片離情楊柳梢  
何況雨蕭蕭一場春夢短可憐宵

如夢令

誰遣這些愁緒一似迷天飛絮  
猛聽佩珊珊可有芳魂來去  
無據無

據隱約洞房深處

望江梅

山枕上猶帶舊啼痕脫下青衫還未寢別來捱過幾黃昏自掩一重門

豆葉黃

開箱生怕檢羅衣認取身材是舊時那更教人不想伊硬分離催得潘郎兩鬢絲

滿江紅 遺影

試展丹青怎禁得臨風嗚咽好箇是綠楊庭院傷懷初別七寶欄邊幽夢繞三生石上芳魂怯最無端紅雨半天飛春光歇 眼前景增凄切心頭事空凝結剩鏡中花影水中明月脂冷粉寒奩怕啓燭灰香燼幃虛設便今朝唱遍斷腸詞和誰說

唐多令 題鄭性蓮深林獨坐圖

對月理絲桐晴雲斂碧空萬琅玕篩影重重願與嫦娥間作伴應不  
倩蠟燈紅 窈聽却無蹤蒼苔冷露濃捧琴人深鎖簾籠莫道更無  
清響答有竹外夜來風

金 華字樸夫諸生

周之楨云樸夫風流跌宕儀度翩翩工於詞翰費吉甫孝廉芸舫中允皆其高第弟子也

兵燹後嘗館盛澤王氏時與楨偕尋紅梨綠葭之勝意甚暢適

永遇樂 壽陸母沈太恭人 陸日愛之母

一盞遙飛一花遙供仁者之壽截髮留賓和丸教子佳話從來有孤  
雛幾許嚶嚶啾啾誰作衆人之母賴真誠婆心一片寒冰鳥翼同覆  
恩同再造歡聲如此定有延齡吉咒是佛都慈是仙總俠恥學錢  
奴守九峯三泖烟霞風月况更壺中靈藪定邀來飛瓊下拜智瓊進  
酒

葉乃漆字載甫明虞部紹袁七世姪孫

去病案載甫為邑先輩吳鍾僑外孫嘗手葺其一家

言曰林塘詩稿為鍾僑父至慎所著曰川滇行程記曰荔香詩草均鍾僑自箸曰蜀旋日記則僑弟鍾僑筆也凡四種名之曰嚴六堂贍墨均親為之跋繕成一帙頗見精妙初存陸丈鵬安所已酉人日起居鵬丈乃以付予今仍寶之如瓊瑰也

### 金縷曲 題眉子硯

鸚眼窺塵劫乍開奩娟娟新月一彎凝碧小字蠶眠題句在重認疎

香遺跡疑櫻雨霏霏猶溼製仿宣和渾不省悵飛鸞歸去人天隔餘

片硯憑收拾 從今湘素都增色護靈芬三吳僊吏北平詞客購自

袁江垂十載徵咏已盈箱篋恰管領松陵秋色訪古湖堧摹畫象弔

詩墳鄭重書苔碣留韵事爭傳說

周乾元字厚夫諸生

震澤籍

有抒情集

王樹人云厚夫少孤母教甚嚴年十四入家塾十六游庠

祖父母具慶髮賊至祖殉難君亦落魄以歿去病案厚夫嘗有破愁歌兀齏憤慨涌現行閒惜有才無命卒年僅三十有二耳

少年游 秦淮

秦淮波影碧於油最好盪輕舟  
數徧紅欄檢殘花譜何處媚香樓

一條丁字簾前水認得板橋頭  
蓼岸紅疎柳隄青減畫出六朝秋

吳文通字次江號穎仙諸生

青浦籍 去病案穎仙平望人曾國藩總督兩江凡四方名流有才藝者

開館延之君亦與焉

摸魚兒 張嘯峯司訓以舊繪藕花香裏填詞圖索題感倚是

解

溯當年詞塲角逐風流首數三影旗亭樂府都傳徧不減蓉洲雅韻  
峯泖近趁一棹蓴鱸載酒時攜艇迴波唱暝正水調歌成銀塘清淺  
秋在藕花頂 君今老我亦飄蕭雙鬢滄桑舊夢誰省西風吹徹蘋  
絲冰何處鷗陂堪隱哀感并縱樂讌中興怕向尊前聽披圖欲問儻  
歸去扁舟烟波無恙笙譜好重訂

吳 樟字章木

滿江紅 用岳忠武韵弔湯貞愍公殉難江寧

緩帶輕裘記江左風流未歇痛

一作堪

此際石頭城陷捐軀何烈

一作幾人

忠烈千載長流湘沅水一心耿照秦淮月歎蒼黃鶴唳與風聲傷懷切

瘡痍憤何時雪櫓槍焰何時滅賸詩吟絕命唾壺敲缺孝女節堅

貞抱石文孫創巨腥飛血恁數奇三代錄褒忠來金闕

吳霞佐字友霞

大江東去 哭湯雨生都督

甕城潮打誓江水不轉臣心如石十二金湯籌弗用僉有條侯奇策  
奕世傳忠滿腔積憤孰肯頭顱擲衣冠遙拜此身還付君國 曾見  
羊祜風流翩翩儒將也羣推三絕畢命詞吟聲淚下生死關尤能決  
古井無波銀瓶同日殉慨慷巾幘大旗星隕一池千載寒碧



吳雲紀一名汝恆字冠宸號星甫府學生去病案星甫為全孝翁十二世孫家平望年二十八悼亡

以有子誓不再娶同治四年竟獲義夫之旌亦詞林佳話也

最高樓 題夢鷗閣圖

如舟屋空谷足音稀晴晝掩雙扉風帆烟樹憑欄見紫蟹紅螺入饌

肥羨鳧翁朝與夕脫塵羈 記秋月春花儂是客記酒醉詩狂君是

伯彈指頃別依依鶯湖不作投竿計分湖不悔賃春非試重盟鷗夢

穩我忘機

黃楚湘字子全號曉槎諸生震澤同治十年旌表孝子有稻香草

堂詩詞鈔黃元蕊曰先大父少歲銳意科名秋闈屢薦不售後周廬仙明府聘往袁江徧覽江山之勝歸與六舟僧

結金石緣繪圖徵題晚益肆力于詩詩鈔外著有言志集鄉黨增輯

滿江紅 題岳忠武王玉印見寶印集

六百年來剩南渡精忠姓氏想方寸丹心難化千秋剖示鏤鐵羞成

奸相骨琅玕幸刻忠肝字是英雄未死報仇心餘虹氣 曾封去迎  
鑾計不押向和戎議奈兵符頓解金牌十二五國愁城空盼望十年  
戰血常摩厲歎不能磨滅是堅貞英風毅

王 禮字秋言字蝸寄生又號秋道人

周之楨云師始畫人物後

超邁避兵滬上為蘋花社中首推名遂大噪近時東南畫家奚  
方二壘後能獨樹一幟者字學山谷每幅必長題數語中具見  
逸趣橫生詩喜東坡題  
畫諸作以奇峭出之

荷葉杯 題畫

窗外風搖秋竹鏘玉涼夜睡初遲一燈如豆費尋思難覓畫中詩  
靜聽砌蟲吟清絕繁響似流泉無端幽恨助揮翰滿腹是琅玕

任釐瓚字萊峯諸生

南鄉子 題鄭性蓮深林獨坐圖

月上竹梢頭奏罷清商一徑幽人籟寂時天籟起颼颼風弄修篁響

正稠 坐久露華浮畫裏能添半臂不爲道夜深羅袖冷休休莫負  
新涼一味秋

黃寶書字森甫

浪淘沙 題夢鷗閣圖

眺遠豁雙眸分水長流荻花開遍古今秋有夢不隨蝴蝶去爲恁句  
留 晚唱聽漁舟詩酒悠悠鞭響管鳳台休休擬作忘機江上客管  
領羣鷗

陸 焜字子恬

醉太平 題夢鷗閣圖

湖干水清濛濛綠陰夢鷗八正初醒有梅花帳深 箇儂月明紅欄  
繞吟直須瀟灑如君過平安一生

笠澤詞徵卷十八

完

笠澤詞徵

百尺樓叢書

卷十九

邑後學 陳去病輯錄

清

柳兆薰字詠南號時安又號蒔庵晚號悟因生同治丁卯副榜內

閣中書銜試用訓導署丹徒學教諭有勝溪釣隱詞鈔

嘉定章樹福曰

蒔庵詞近蛻巖不喜作綺語故也 仁和湯嘉樹曰蒔庵長句英氣勃勃入坡僊之室 長洲諸福坤曰蒔庵詞品在蘇

柳之問令人一讀一擊節

邁陂塘 立夏村外散步晚歸小酌小云填念奴嬌紀事余亦

繼聲

步芳郊夏頭春尾殘紅零落將盡陰晴不定渾如畫襯得遠山雲潤

風陣陣好拉伴閒遊一笑眉梢暈汗融兩鬢惹鳥勸提壺衣穿蛺蝶

妝點儘風韻 歌佳句不少南唐才俊一時偏露豪興酒腸芒角森

森豎亂擊唾壺鐙燼書作去枕稱薄醉清狂文字吾曹飲鐘聲喚醒

任梅子心酸香丁茶苦佳趣者番領

滿江紅 讀湯貞愍公雨生先生琴隱園詞殘稿

烽紫烟紅料叢稿六丁攬去誰解道忠魂烈魄尙留殘句琴劍銷沈

獅窟隱先生有獅窟幽居圖壬子秋奉訪會屬題句風雲叱咤江濤怒癸丑春二月十二日子時先生賦絕

命詞兩章認斑斑血淚洒英雄秦淮渡 靈織錦縑驅蠹珍片羽神

呵護慘青山白下城狐窟兔兵火未灰文字却將軍那被才名誤祝

千秋杯酒奠騷壇心香炷詞共六頁甲寅夏禾中付梓

貂裘換酒 和松琴从兄老樹韵

唬血鷓紅染算年來劫逢丁厄風愁雲慘暫喜鷓鷯栖托穩怒日蒼

鷹爭瞰餘肅殺萌芽抽漸閱歷千秋存傲骨到如今不藉春裝點枝

逆上鮎魚颺 婆娑老屋焦桐占學坡公聽風聽雨夜床悽感努力

拚將榛棘斬待月團圓何憾寄錦句瑜無瑕掩吟胆裂時豪氣吐比  
龍鱗一任冰霜撼花晚著豔非忝

摸魚兒 和子屏从姪銀魚

駭腥氛鯨鯢跋浪江天雲物淒緊分湖一角明如練猶做太平風景  
呼短艇儻泛宅烟波漁具零星整斜陽帆影看漆點雙睛銀花二寸  
絲網一時引 桃源路再訪雲迷仙境鑑湖儂向誰請鱸鄉略有三  
間屋風味年年飽儘拚釣隱嘆雪影東風漸漸吹雙鬢蘆灘夢醒笑  
賣鼻青蚨換將綠蠹呼作老漁肯

一痕沙 和小云白荷花

如見芳心幽悄雅稱荷亭清曉香沁捲珠簾玉纖纖 脂粉鉛華淨  
掃品格白描佼好只許鷺鷥眠葉田田

賀新涼 旱魃爲災兼旬肆虐雨師降澤三日成霖比戶臚驩

豐年有兆調寄賀新涼以酬之時丙辰七月七夕前一日大

雨後書

赤地驚千里想癡龍嬾眠天上不隨雲起火繖高張炎暑酷那得荷

喧池水詫吳諺算乖甲子忽滴梧桐疏雨點漸成霖三日酣村市五

日微雨初六日大沛甘霖鳩婦喚老農喜來朝七夕羅瓜李賀新涼紅板橋頭

白雲鄉裏兒女豆棚閒話坐軋軋桔槔聲止澤下尺良苗興矣琴筑

欣然攜杖聽祝豐年釀酒叨田水甘澍降甲兵洗

陂塘柳 題許竹溪夢漚閣圖

訪幽人蘆中小築數間茅屋如昔三高亭子遙相望渾似浮家泛宅

花四壁儘飲啄忘機坐對湖波白分鷗一席有倚棹漁翁宿汀鷺友

歌詠伴晨夕 江南北烽火何時能戢欲栖林壑難覓誰歟一夢蘧

蘧穩丁卯橋頭詞客非易得展尺幅鵝谿彷彿仙源入令口毫歎息問

何日從君水邨高臥長與世氛隔

探春慢 花朝外舅子謙先生枉過艸堂作壽花之會調此助

興

柳綠舒眉杏紅點額二分春色初到晴晝悒悒香風盎盎惹起鶯歌  
蜂鬧幾曲欄干處都準備奚囊詩料尋芳也欲銷魂東君曾否年少  
踐約今朝一笑正報道先生巡簷欹帽略具杯盤那須簫管知己  
二三吟嘯不作去金錢會祝生日壽花花好醉月飛觴艸堂紅燭高  
照

摸魚子 玉峯重晤章清甫先生

記前遊玉山佳處詞僊青眼相顧別來迢遞魚書寄珍重行間珠露  
客冬蒙賜書 兼題拙圖 神遠溯羨布鞵梭鞋竹塢深深住眠鷗伴鷺想泉石生

涯烟雲供養志續古黃渡 吳淞水一葉蜻蜓迷路訪君時恨修阻



槐花蒸地黃如此

時挈兒姪  
初應院試

喜與先生重晤陪杖履儼位置行囊先

整遊山具沾春絮語又錦帶橋邊龍洲墓下商略短長句

洞仙歌 題子屏姪酒醒何處圖

一聲羌笛把離愁催起殘月蒼茫墮還未正吾宗小阮手按紅牙詞  
句好畫出冷清清地 屯田家學在醉寫新聲慘綠衣裳歲華綺甕

裏笑醯雞壘塊須澆看世上紛紛如蟻待倚馬明年上長安祝如願

歸來一杯酬你

姪明歲擬  
北闈應舉

暗香疎影 題婁縣張筱峯學博鴻卓花影吹笙圖用元張夢

庵自度腔韻

庭陰玉潔浸欄干一角豔痕如雪誰炙鶯簧春透小樓寒尙怯莫認  
瓶笙沸也風送響微敲仙袂正靜夜花底香團簾底孕圓月 猶憶  
酒闌鐙爇紅牙徐按罷餘韻徐歇忽作鸞吟來伴張仙未許雙成言

別拂時羅袖冰紋碎忍負却二分佳節儘黃昏林下亭亭好把碧天  
吹徹

齊天樂 季春下浣至舜湖訪仲丈子湘用丈題小圖韵奉贈

玉山攜杖歸來久囊錦句添多少白髮春青白洋波綠惹得幽人憑  
眺閒鷗渺渺許踏浪飛來伴吟聯嘯話舊挑鐙燭光紅地幾昏曉

那堪愁緒結塞昔年觴詠地難問殘照弄笛傷懷當鑑歎浙南南董

夢蘭墓邊同吊詞仙未老只鴻爪流傳拾遺搜艸懊惱休歌賞些花月

好時丈方刊陳丈詞  
庵詩入留爪集

陂塘柳 題凌蔭周其楨萍遊詞

洗塵氛筆花香韵新詞工叶鑿白美人蘭汜離騷淚得句不嫌僂僂  
姑酌酒問豪竹哀絲愁緒遣懷否荷郎貌瘦祝珍重而今擘開情障  
夢蝶步莊叟 聽刁斗厄運偏丁陽九忽忽星夜出走重逢不作寒

酸語吳下阿蒙非舊儂負負嘆霜鬢星星筆硯焚來久啞鐘誤扣且  
梅社叨倍竹林互唱咸籍共攜手

陶然字芑孫號藜青同治初補行辛酉拔貢生長洲籍著有十願

### 窩詞

邁陂塘 莊兼伯過訪里門卽事賦贈並懷浚磬生滬上

驀相逢故人無恙相思已一年了江村寥落兵塵外那竟扁舟尋到  
渾未料只昨夜燈花消息曾先報臨風一笑且掃榻弦詩開尊賭酒  
餘事更休道 滄桑後太息烽烟四繞知音睽隔多少天涯遊子今  
何似寄語不如歸好寒漸峭想客路風霜定比鄉關早離懷渺渺倘  
海上成連攜琴可訪和汝理雙棹

邁陂塘 題背立美人圖和磬生調

不容八春風省識亭亭空對紅袖莫因怕被丹青誤無意轉顏相就

裙褶皺似見客含羞窈地翻身走銷魂已穀只淺笑輕嘔伴嗔暗喜  
難與細分割 傳神處料想當時畫手未曾迎面邂逅與恩目送驚  
鴻去聊與端詳背後何所有有珠<sup>極</sup>被玲瓏穩稱腰身瘦杜詩背後何  
所有珠壓腰  
極穩 安排灰酒試當作眞眞向他低叫萬一肯回首

憶桃源慢 題沈夢粟蘆厂憶月圖

漁唱聲中一盒涼月映出蘆花瘦好天良夜多少詞仙攜手可惜滄  
桑隨劫換裙屐飄零已久幾痕秋色幾番秋思前塵如夢空回首要  
重尋雁湖吟趣賸有丹青依舊 試看畫裏詩情影迷離數行衰柳  
展圖深悔悔未當時載酒輸與東陽才絕妙清景慣曾消受冷溶溶  
處滿身風露闌干倚遍黃昏後待他年蕙鄉歸去泥爪還堪認否

百字謠 季春望日子屏芸舫同舟過訪六兄泚邨招飲儀一

堂分韻得父字

綠陰流處叩柴扉喜得羊求同顧負了前番修禊約特地今朝來補  
酒國重開吟壇別建芳草池塘路鶯花未老况逢明月三五 所恨  
金粉灰飛江南萬里腸斷蘭成賦滿地兵戈身世窄且作鱸鄉漁父  
舊雨纏綿春風跌宕一笑狂猶故酣然醉矣爲君奮袂而舞

一枝春 詠白桃花

悄倚東風笑吟吟別有一枝嬌倩幾痕清露喜得鉛華淨洗巧翻新  
樣把寸寸冰綃碎翦只怕他玉蝶雙雙飛入花叢難辨 何時更逢  
人面奈年來崔護鬢絲已變仙源可訪那復軟紅塵戀經春愁雨慣  
粉淚無言偷濺倘不有簾外銀蟾芳心誰見

前調 余賦白桃花詞同人和者甚衆意有未盡輒倚前調復  
成四章

別樣風流定知他不是尋常根葉三千歲後仙骨居然換得移從天

上訝珠露滿身還濕莫廣寒借取霓裳來赴西池瑤席天台十分

清絕問而今誰復豔緣能結人間何世但見塵飛紫陌用元都餐霞觀詩意

也好究未若咀含冰雪便放教劉阮重逢恐難認識

玉立亭亭問前身可是息夫人否春風拂檻幾點粉香斜逗悄無言

語聽銀箭暗催清漏渾不道小小芳姿早解色空參透韶華未堪

回首謾傷心姊妹朱顏非舊月明三五政好于歸時候蛾眉淡掃等

鵝舫迎來渡口還只怕擊楫王郎怪伊消瘦

之子依然怎無端換了一身縞素似憐薄命未肯豔妝招妬天生笑

鬢正不必鉛調粉傅問去年此日門中可是者般丰度尋芳莫愁

遲暮倚瓊欄儘許恨銷今古忍教無主細逐楊花滿路防人偷翦要

喚取雪衣分付更晚來放下晶簾替遮風露

綬紫緋紅任繁華那似布衣品貴删除綺麗越顯天然丰采敢矜高

雅只羞向俗中求媚最好是西塞山前仙鷺斜飛對對 雖非武陵  
源內恁園林也覺清幽可愛眠雲慣矣不羨九重春醉素心遙託問  
何處故人家在要知我一片深情有如此水

摸魚兒 題卓菊芳明府雲帆滄海圖卽送其之官楚中

駕扁舟飄然而去一帆天末輕颺使君意氣豪如許要趁長風破浪  
滄海上喜幾處桑田風景還無恙此遊何壯便博望乘槎豫州擊楫  
未肯古人讓 春明路萍水居然傾賞驪歌却又旋唱來宵酒醒人  
何處畫裏雲山蒼莽行慨慷只明月長安未免回頭望展圖神往問  
他日成連琴絃三疊可許刺船訪

金縷曲 出都留別諸知己

悔向長安走沒來由緇塵染遍青衫依舊蝸角功名區區耳無命却  
難消受歎駿骨只宜枯朽臺上黃金無定價便麒麟也自甘牛後天

不語謾搔首 他鄉蹤跡飄零久問而今狂奴故態些兒減否知己  
窮途相慰藉日日評花賭酒奈秋色已黃殘柳千里夢魂何處是聽  
孤鴻驚地鄉心逗歸去矣一揮手

如此江山 壬子秋應試金陵道出梁溪同人邀登惠山飲於  
寶珠菴今十二年矣重續舊遊滄桑滿目俯仰前塵恍如夢  
寐歌也有思感慨係之矣

茫茫何處尋泥爪回頭一星終矣絲管樓臺綺羅士女衰草白楊而  
已山靈却喜喜粉膩脂濃豔痕淨洗不見當年數峯墮入輦紅裏  
繁華總隨水逝飛灰談劫燼昔夢誰記斷塔全焦荒池半涸只此也  
饒畫意臨風欲涕悵洞口依然雲迷仙子未忍空回井泉仍一試

春雲怨 爲徐誠庵大令題玉峯尋夢圖誠庵名立本浙江德  
清人與蔭夫師同補博士弟子員前署南匯縣著有荔園詞



巫雲四繞記玉山佳處游仙曾到道是武陵源在流水杳然重鼓棹  
爪豔秋鴻魂癡春蝶幾許相思種芳草認取遙峯和烟和雨依舊翠  
眉掃 多情却被無情惱賸三分畫意三分詩料覓覓尋尋總虛渺  
譙鼓聲中消受蓬窗一燈紅悄笑我揚州十年前事連着夢都忘了

沈景修字蒙叔號歐齋又號蒙廬別號寒柯辛酉拔貢生

秀水有籍

井華詞 譚猷云諷井華詞若游佳山水一邱一壑咫尺而萬里  
逆于心者也又曰四方之交亦有一意雅詞者沈子論之曰文  
采斐然惜少拙致此言索解人不易請舉以讀井華詞心知其  
意者 許增云蒙廬詞人游藝兼長倚聲亦全力所注不以餘  
事曼衍故矜慎婉約韻態雙絕 鄭文焯云井華詞純釋一過  
置諸碧山詞中殆不能辨 去病案蒙叔家盛澤  
與費我庵柳韜廬李匏齋齊年有異姓兄弟之雅

一萼紅 題家祥未瑞清蘿盒憶月圖

倚牆根有藤蘿 集作 翠地幽綠鎖閒門互竹編籬迎泉引沼鑪篆輕

漾簾紋最難忘涼宵似水呼月上留客倒芳尊悴葉蕭秋疏花媚夕

容易黃昏 惆悵滄桑

集作紅羊

浩劫莽家山焦土無計逃秦草沒積垣

落封荒豨蟲

集作

語空弔斜曛歎多少分飛旅燕認香泥猶戀舊巢

痕擬汎清谿罨畫載酒尋君

吳興有罨畫溪兩岸多朱藤吾鄉同姓皆出休文公裔

譚獻云探喉而出

祝英臺近 秋蝶

暑紋移鑪篆冷午睡北窗醒手擘蠻箋几席

集作

喜清瑩最憐小蝶

情癡背人偷墮卻誤認畫屏花景 樓乍定趁伊栩栩游仙替寫彩

衣靚倚翠偎紅舊夢忍重省怎禁粉褪涼煙殘英尙抱早瘦怯一絲

風勁

譚獻云託意幽遐含悽古澹

湘月 盆荷翠蓋泣露搖風而花蕊猶未出水余方有桐江之

行想盛放之時尙有羈旅寫以白石老仙念奴嬌南指聲爲

鬧紅羯鼓之催

舞衣弄碧甚凌波盼斷芳意還孕水面萍開照見我慘綠鬢痕銷凝

璧月微茫銀河清淺悵望紅情冷蜻蜓飛上笑伊塵夢偏醒誰與  
酌酒花前聲催羯鼓咒開時頭並露墜蓮房怕暗裏容易西風吹勁  
菱角堆盤蕪絲滑箸鷺約輕拋肯橫塘秋好柳陰早繫歸艇

一萼紅 題姚子祁中翰景夔寒鐙憶夢圖

最無聊是黃昏庭院落葉響飄蕭螺筆拈愁犀株鎮怯酒醒怎奈今  
宵試重問前時月色隔湘簾眉子影空描錦瑟年華玉臺詩句都付  
魂銷 惆悵蘭香去後便銀河清淺信斷迴潮潘鬢絲添沈腰玉瘦  
鉛淚還潰鮫綃悵環珮魂歸何處但霖鈴秋雨泣紅簫灰盡相思一  
寸蠟炬心焦

沁園春 嗽

渴似相如怪底經秋文園病纏止寒侵繡被吻愁金燥熱熏華蓋欬  
響珠連怯燕飛穠疑聞破竹客上虛堂故意傳闌干拍訝歌聲清婉

忽斷當筵 泥他半臂新添怕重疊傷風更可憐記酒含防歎頻遮  
衫袖茶烹待熟特避鑪煙頓作彎腰偶然帶嚏花底迷藏覺最先仙  
莖露教潤伊嬌藏杏酪餈煎

卜算子 燕

雙燕入簾櫳掠碎花梢影幾度飛回相畫梁軟語商量定 辛苦覓  
芹泥壘就棲香穩瞥眼西風是去時明歲重來認

疏影 題王毓仙長拋玉軫圖

涼宵似水聽綺琴奏雅朱樓雙倚鈿約釵盟忽忽三年春婆一場醒  
矣歡情怨緒都無據但暗數衫邊鉛淚到夜深澹月迴廊做就冷清  
清地 思待鸞膠再續此生奈命薄弦小防脆繡閣香溫嚼徵含商  
忍把螺徽重理果能不隔人天路願誓結來生知己怎禁他慘碧蘭  
缸照得瘞愁無計

踏莎行 題宗載之大令得福陌上尋鉤圖

草長紅心桐垂碧乳香車塵碾湖邊路平波飄瞥見驚鴻春山依約  
通眉語 翠羽音沈錦衾夢阻今宵酒醒人何處重來崔護已銷魂  
杜鵑嗁過西冷去 譚獻云絕似小晏

浪淘沙 邁孫屬題背立美人執扇

生小忒嬌柔半晌佯羞背人無語替人愁深怕紅顏塵澆了不肯回  
頭 粉黛總難留幻影浮漚妍媸題品任悠悠豈是避從邢尹妬一  
面無由

一枝春 上巳前一日風雨

一夜風欺怕明朝委地殘紅無數 集作主 枝頭杜宇商略送春歸去西

湖爛漫偏閒卻畫船簫鼓強自把病酒心情覓到翠顰深處 徘徊  
石闌題句又新詞掩抑撩人愁緒梨雲夢淺肯與暫時留住水邨山

郭儘消受冷煙疏雨孤嫩約明日芳辰踏青黛誤譚獻云綠而曲如往而復惟其情至

乃爾  
韻長

滿庭芳 楊花

作絮輕黏隨風低舞送春人在江城芳心無主飄蕩入簾旌桃葉幾  
曾共載雙槳側綠漲初生天涯夢朝茵暮溷何苦訴流鶯多情誰  
縹緲蛛絲罥住魚沫吹行傍游子青衫點上須驚早是觀河面皺任  
池水遮滿浮萍高樓外迷濛望眼落日短長亭

買陂塘 訪木瀆錢氏端園偕許公若觀復施擁伯紹書

憶兒時名園選勝香谿短櫂曾艤夢尋五十年前影花下板輿隨侍  
行樂地歎故我重來亭榭叢荒翳吟筇同倚認蟠樹藤蒼臥波橋窄  
陳迹略能記滄桑變俯仰百年身世一池吹皺春水靈巖山色青  
還在依舊撲人衣袂樓未圯眺萬頃鱗塍油碧濃無際樓名眺農馮景亭師所題

苔荒煙碎只牆角天桃臨風綽約含笑弄嬌蕊

高陽臺 題劉光珊照炳留雲借月盒填詞圖

似卷還舒纔圓又缺人生離合堪憐擘絮團冰漫將心事箋天華髮  
幻境三千界問吳剛停斧何年儘留連雲影徘徊月影嬋娟 畫圖  
清景憑烘託看水窮坐石夜醉開筵散綺流輝招他同護花眠瓊思  
渺渺靈脩怨悵蘭棕如雨如煙賸無端一縷吟魂飛上鸞牋

長亭怨慢 題李子遠道悠蘆盒舊雨圖

記水榭曲欄閒恁一抹遙山翠眉浮鏡瑟瑟叢蘆夜潮聲起滿清聽  
酒杯涼逗忽吹得吟魂醒片席占鷗波恰髣髴西湖南湖明靚 重認但  
寒煙衰草付與嘯蟹哀迸墜歡似夢數零落晨星猶賸悵夕陽閱盡  
滄桑早白了詞人雙鬢對寂寞荒灣依舊荻花搖暝

南浦 春水用山中白雲詞韻

波暖鴨先知碧溶溶一鏡奩開清曉花落漲痕肥東風急紅褪枝頭  
如掃輕紋漾縠萬千鍼刺魚兒小休怪昨宵膏沐雨蘸色翠連隄草  
年年佳節湔裙正河豚欲上荻芽抽了踈地舞垂楊歌金縷定有  
攀條人到餘情縹緲臨流照影吟魂悄何處漁舟長笛弄盪得古愁  
多少

月下笛 涼宵感懷歌以當哭用山中白雲詞韻

獨立蒼茫天空地闊瘞愁無處星郵露驛猶識當時夢中路浮雲莫  
上高樓望又滴盡西窗暗雨聽蛩聲淒切秋風院落悄尋煙語 無  
緒嗟衰暮況知己寥寥斷鷗零鷺人生寄旅此心誰諒荼苦可憐一  
掬新亭淚問酒被清愁果否儻遯窟營成定補寒梅萬樹

徵招 月夜夢榆園

五年不飲西湖水無端夢魂飛到有僕候柴門訝收帆何早秋墳悲



宿草最難忘元龍同調謂謬士影冷人琴聲淒鄰笛黯然懷抱 吟悄

步迴廊苔岑契定遇詩家丁卯雲外雁行稀咽西風寒峭半天明月

好料今夜兩邊分照看劫來鏡裏朱顏被絮蛩催老

齊天樂 訪胡甸鄰 鑑北莊

曉來幾陣闌朝雨聲聲打篷如鼓捲絮湖雲挂鉅林旭天氣陰晴無

據長繩界渚辨烟語微茫兩三菱女水佩風裳向人弄影尙娟楚

攜琴試尋舊侶遇船頻問訊北莊深處老樹當門修篁繞屋入畫居

然蒼古塵勞太苦顧結箇茅庵與君同住故我重來白鷗應導路

莊人寶字兼伯一字堅白同治甲子舉人 震澤籍 去病案兼伯

布衣工詩文詞當洪楊時避難蜆江與陶戴諸老前輩相唱和頗為人所引重而兼伯隨侍其後亦嶄露頭角子壽嘗為其死友與士女之殉難者賦詩與悼兼伯輒和以詞因綜合為臆碧集時並稱之惟竟無刊本今遍求之不可得矣惜哉

陌上花 題泚邨圖

陶家居處宅邊五柳碧痕回繞門設常關柳外更停舟小溪流一帶  
生新漲輕漾亂紅多少儻夜深人靜素絃彈罷海天長嘯 歎年年  
浪蹟洞庭湖畔負却故鄉遊釣旅倦西風枝上杜鵑啼老甚思歸買  
名山隱難得煙明浪悄待隨君料理綠簑漁具聽秋去好自注客夏  
四月薄遊  
貞豐里得識沚邨兄丈并以圖相屬歸後即爲題詞卷中後在隴西  
那齋夜因不戒於火圖竝燬焉今秋復詣訪君深以所託不終自呼  
負負君顧不余憾堅索所題舊詞從  
記憶中得陌上花一闕以塞責云

摸魚子 題沚邨第二圖

瓦魚天疏篷冷月當年記訪弘景香茅結就幽棲屋占斷碧雲千頃  
涼夜靜展尺五生綃巧我題詞贈吟情未冷蒸劫幻紅羊灰飛墨蜨  
鷗夢被催醒 滄桑感遼海兵塵未靖名山何處堪隱羨君別有仙  
源在重展畫圖教認君且聽儻一遂橫秋須唱風波定芳懷自省待  
買箇蜻蜓扣舷拍斗來共酒盟證

陶惟城云此圖遭火劫後先叔詣  
孫府君重繪一圖並錄前題語云

詩詞又乞陸侶松陶錐庵俞少甫先生繪二三四圖徧徵題咏共數十家又云隴西郡齋即李家港李觀如家時適有仙農之禍翁竟被焚死

凌 泗字斷仲號馨生自號莘廬同治癸酉副貢生內閣中書有

莘廬詩餘

行香子 孤山

湖綠如揩隄白於街第三橋跨過山隈二十年前訪古癡懷問梁朝柏唐朝竹宋朝梅 桑海飛灰劫盡春回轉華嚴新樣安排似聞女伴試踏青鞋說蔣公祠左公廟劉公臺

金縷曲 柳溪春泛圖爲曹馴甫司馬 良駿作溪在嘉善思賢

鄉君先世海昌公隨宋南渡居此

鬢髮桃源路自汴梁相隨到此建炎南渡七百年來清淺海又見揚塵幾度只溪水源流如故不種桃花多種柳碧陰陰遮斷秦人處先

世避此中住 思賢鄉裏重沿溯正東風鱗鱗吹縞撲烟飛絮青着  
遠山紅着廟點綴一雙白鷺都閒着綠楊分布笑煞曉風殘月裏按  
瓊簫生怕侍兒妬述祖德爲君賦

三姝媚 湘妃竹扇骨吳姍姍夫人物也邱媛遠香姚姬俠蒞

分畫便面擁百屬歐齋題詞余亦繼聲

兜螢星點顛記浮眉詞人爲伊題扇

郭復翁有爲姍姍夫人題扇詞注云月黑移來星一點夫人詠

也

豔說徐陵正玉臺聯詠聚頭仙眷幾度秋風渾不解班姬幽怨

自落滄桑蛻骨猶撐換桃花面

先後三英成粲有舜水邱香溪姚

畫齊雙管摺疊重裝看洗鉛華淨署簪花款寫韻樓荒騎虎去音沉  
黃絹贏得湘妃淚漬斑紋不浣

浪淘沙 鶯湖扣舷圖爲吳竹洲題

一笛度漁歌側笠低哦樵青韻比小紅多曲罷元真仙去也冷落烟

波 憑吊扣舷歌重唱陽阿八慵園裏記婆娑昨夢掠舟西向鶴間

訊東坡

前至平望數訪梅隱翁於八慵園翁自號眠鶴子今化去矣題文孫此圖思翁不置

買陂塘 范君嘯成吳君竹洲泛舟長浜觀荷登平波臺以詩

紀事顧君樂之爲繪平波消夏圖余以寓公因事旋里未與

斯遊爲填此闋并爲修復古蹟左券

正炎官漫天張繖人間無計逃暑我從阮火經新劫移傍鶯湖家住  
逢勝侶約買箇瓜皮盪入荷香處鶯驚傳語怎白水初盟紅塵未了

又被事牽去 新詩好有石湖翁遺緒延陵唱和相與碧筒盃泛紅

霞酒沈醉登臺懷古臺蔓土慨何處望仙况英雄兒女

湯節愍公琴隱圖非原石

吳嫻嫻夫人詩石已燬

快哉樓補便祠祀元真水仙配食迎送唱漁父

壽星明 柳潤之廣文七十

南極遙瞻柳宿光中星明老人自九龍攬勝孝廉棹泊三鱣入夢首

宿盤陳樂譜韶音碑摹禮器安定分齋饋士貧

用置份舞祭器優恤寒士錫金兩學中為

生位以

寄去思 功成退正懸車合例鄉味思莼 一官歸也榮親恰七十歡

承九十齡笑廣文官冷板輿自暖老萊事古戲綵翻新

太夫人九十康健春秋佳

日觀劇

看燈 晝錦韓堂玉蘭謝樹愛日醲蒸四代春熙朝瑞更十年賜坊

孺慕終身

柳以蕃字价人號子屏自號弢廬諸生有食古齋詩餘

去病案子屏年二十

許工填詞咸豐戊午正月將入都應京兆試因以所作謁沈先生曰富先生評其後曰情深似海心細于髮蘊茲靈襟吐為妙文石帶玉田將有嗣響蒼洲浮塵豈得專美然此一此弗懈則百事俱廢與其在阿堵傳神何如向大處落墨以故人爭津津僕獨落落正由愛之實摯未免論之轉苛耳於是子屏悚為竟不復為論者無不歎其服善之誠與進德之勇也

喝火令

繡戶簾衣薄歌樓鏡檻斜東風留住小楊花輸與紅襟燕子香夢鎖

伊家 愁翠低眉岫嬌朱暈臉霞春三豆蔻好年華可奈芳蹤漂泊

已天涯可奈滿腔幽恨只自寄琵琶

菩薩蠻 茉莉

晚風吹淨庭陰暑一簾珠影跳疏雨通體雪肌膚嫩涼禁受無芳  
心開尙怯已被春纖掐情味泥昏黃露華雙鬢香

前調 楊梅

紫囊豔帶霞紋蹙玉肌醉暈皴紅粟風味試評量何如十八孃堆  
盤珠顆顆一捻猩痕破生怕觸冰綃淚花凝不銷

前調 石榴

錦囊乍破湘紋裂一窠紅露團珠骨著齒耐冰寒蕭孃正嗜酸春  
風花醋醋顏色猩裙妒回首換時光離離子滿房

前調 水紅菱

一繩界破煙痕瘦吳娃蕩槳來溪口愁煞鏡奩花秋風又奈他誰

家簾卷處雪盈供消暑纖手褪紅裳風情話嫩涼

前調 蓮子

紅衣褪盡西風老綠房漸見珍珠飽采采近涼天一雙人可憐  
相蓮相惹處誰解同心苦但得解同心何嫌味苦深

金縷曲 春莫

誰作春光莫漸惜悵搖晴弄暝滿湖香絮癡絕梁間雙雙燕猶在碧  
紗窗語似埋怨怨東風何苦吹散繁英仍不管趁夕陽紅到銷魂處斷  
送也向何所倚闌幾徧渾無緒又聲聲子規啼老十分淒楚便倩  
游絲齊着力難挽一宵春住問何不將愁共去殘墨半泓箋百番教  
斷腸刻盡新詩句雙鬢影瘦如許

前調 題陶芭生十願窩詞藁

脂粉天然洗鼻迴腸瓊思一縷蟠天際地縮盡古今風月恨斷送中



年去矣情至者大都如此十載旗亭傳雅唱畫銀釵尙有雙鬢記齊  
擊節喚才子 人間我亦傷心史慣纏絲紅箋寫恨錦絃彈淚天與  
豔情無豔福暗老絮萍身世更莫問知音賸幾黃韻宋花飄零張衫  
李叔重遠悵瓊簫誰共花閒倚只此筆尙如綺

沁園春 指

誰削蔥根羅袖指來玲瓏露尖笑鏤金謳約情緣不解連環結縮愁  
緒慵拈調粉勻妝抽豪寫黛鏡裏分明見玉纖支頤好有香痕一捻  
紅印顚添 握來真箇摻摻似乍放楊枝軟不嫌記新聲細拍替將  
綽板遙情待寄封上泥鈐背數星期暗彈珠淚心共螺紋屈曲緘紗  
窗底愛錦鴛雙繡噤住春嚴

前調 腰

一捻纖纖疑是束成伶俜者般向恁時繫也玉環未解幾分瘦了珠

襟潛寬戀睡微伸因嬌或彈無力支持頗自難含情處想新來歡喜  
偏向人瞞步時搖珮珊珊約百蝶仙裙態更妍記掌中迴舞輕身  
比燕尊前捉搦小字呼蠻軟欲欹花柔疑擺柳抱月飄烟想像閒風  
姿悄助全身嫵嬈不數肥環

前調 蠟淚

眼淚無端想是平生最憐別離向畫筵長遞暗愁天曙銀屏斜背  
替人垂滅跡先拚灰心未肯也爲柔情一味癡多應是帶蟲嬈舊恨  
來試紅嗔高樓人正相思慣照見黃昏擁髻時想粉妝啼破一般  
明滅榴裙溼透無限淒迷點點行行重重疊疊相向心心心上知臨  
將施怕風前狼藉紗急籠伊

摸魚子 銀魚

正東風楊花吹斷碧濛濛入溪漲櫂頭幾葉船撐出寸寸雪鱗迎浪

榔乍響襯細雨零花淩亂黏絲網蘆汀荻港趁村店新芻舵樓晚飯  
鮮價賣應長 幽棲好十里鷗波無恙年年夢熟吳槩烟邊雨後閒  
滋味時有釣絲分餉充箸想付揜手廚孃一撒晶鹽晃酒人三兩待  
菽乳同烹芹芽細和相約醉春釀

前調 詠裳邀同錐庵夢粟子方葵卿集蘆雨厂酒酣賦此卽

贈厂主楊利叔

問何人風簾水檻吟廬小築三四此來可惜秋容晚溪上荻花殘矣  
窗洞啓只一角紅闌占斷全湖勢塵襟盡洗有繞榻嵐光浮杯帆影  
留我座中醉 烟波好隨分莼絲菰米爲誰鄉夢輕棄黃皮袴褶從  
軍樂何似綠蓑閒理君倦未算蟹斲魚牀儘可成歸計扁舟待檣便  
酒榼三升詩瓢一笠分領畫中意

柳梢青

雨淨溪沙扁舟晚繫淺水蘆花澹澹風燈疏疏驛樹人語誰家  
客  
程鄉夢偏賒酒醒處殘陽亂雅半枕疏星一蓬落月如此天涯

水龍吟 古劍

老龍何處飛來虛堂一匣眠秋水寒芒血黯腥花雪繡斑斕如此大  
俠風塵老仙海湖故交都死想生平恩怨許多未了時猶泣明珠淚  
慚媿尊前拂拭鬢書生壯心未試爨桐室裡薜荔壁上十年磨爾  
霜月橫空星鷄動野暮愁無際問何時攜向天涯塞北逞男兒志  
凌其植字蔭周泗從姪同治十年辛未府學歲貢生有萍游詞

柳稍青 黃梅節裏風雨連絲剪燭譜此

一粟鎧昏風絲雨片好夢難溫語影零星迴腸轉轂儘銷魂  
夜  
深清悄柴門只添得相思淚痕有酒偏愁未秋先冷消瘦詩人

疏影 秋草

離懷如織向天涯縱目多少淒碧腸斷蘭皋夢冷池塘獨客又添淒  
寂最憐一片斜陽地和愁雨做成愁色問年年誰種愁根常向烟痕  
留得 猶記踏青佳節弓鞋正軟襯無限憐惜曾幾何時慘綠王孫  
換了西風消息靡蕪一翦埋香土埋不盡寒烟落日冷清清廢苑荒  
涼只有怨蛩啼夕

祝英臺近 秋螢

夜雲微涼露濕輕颺暗無力幾點秋星和月上簾額認來忒煞微茫  
些些涼燄慣冷伴紅閨幽寂 試尋覓悄攜小扇輕羅黃昏玉階立  
趁着西風何事忽飄瞥最憐冷落秋墳熒熒燐火卻一樣照來淒碧  
一萼紅 秋蝶

忒惺忪看繁華一夢轉眼已成空青粉牆腰秋棠幾朶可憐不是芳  
叢還飛入楓林深處認模糊點點小桃紅何處尋香零花瘦草冷月

淒風 猶記羅浮仙境認蘧蘧栩栩消受春濃底事今番玉腰憔悴  
偏教換了愁容且休把香羅重繡爲憐伊消瘦與人同怕省滕王新  
稿都爲秋慵

摸魚子 題秋夜看劍圖

悄黃昏鏡邊鷄舞摩挲時露英氣短衣匹馬男兒事飛出一條秋小  
君且起君不見匣中血染芙蓉紫狂歌斫地且問夜如何霜戈手挽  
助我報知己 登玉壘怒目百回瞪視雄心休自灰死孤鐙慘澹陰  
雲黑三尺寒芒千里須自記見說道古來俠客都如此張雷去矣歎  
憔悴而今干將冷落空自寄塵世

念奴嬌 櫓聲

窮途日暮只一聲欵乃可勝淒楚多少飄蓬孤客怨愁水愁風聆汝  
水竹敲牕疏花破暝棹入西冷雨扣舷長嘯暮潮誰共今古 聽來

多半淒迷半和菱女半訴離人苦幾縷輕烟搖欲破驚起一雙雪鷺  
紅蓼灘前白蘋洲昨宛在中流語棹歌爭發浩然明月歸去

南浦 砧聲

雁背暮雲高盼關山夜夜夢魂飛到一杵一聲愁刀尺平裏不許離  
人不老催殘木葉孤燈瘦影黃昏悄賸有哀蛩啼不住可也替儂懊  
惱 最憐素手纖纖冷清清和著月痕愁搗不信妾思君征衫上認  
取淚痕多少霜天曉角一般吹出相思調訴與天涯羈旅客千萬歸  
期須早

大江東去 秦淮憶月圖爲柳蔣安丈題

臨風憑弔歎江山如此亂愁并疊只有團欒天上鏡留照東南半壁  
金粉樓臺紅牙簫管一霎繁華歇冰輪懸處千秋萬古清絕 苦念  
鐵鎖銷沈青溪鳴咽流盡英雄血安得祖生鞭共著萬里渡江擊楫

鷓鴣夢仍圓蘭橈再放爛醉歌桃葉莫愁湖畔閒情還付明月

高陽臺 水仙

雲葉蔥尖檀心蠟暈世閒無此娉婷楚楚衣袞淡妝畫出烟汀相逢  
曾解相思佩悄無言畢竟多情最難忘風月前身鷗鷺前盟 冰絃  
彈徹江妃怨對銅盤一寸鉛淚盈盈瘦怯春風纖纖羅襪塵生癡情  
便欲凌波去向花閒爲弔湘靈有誰憐翠袖單寒紅粉飄零

疏影 飛絮影

尋尋覓覓訝飛來何處穿入簾隙可是花耶還是烟耶莫辨眼前亂  
白謝娘便有傷春句描不盡蕭疏詞筆最堪憐無蒂無根漫道燕鶯  
啣得 獨倚紅樓凝望模糊醉眼裏愁思偏織撲向誰家整整斜斜  
低襯夕陽一色者番掩映離亭外約略共酒帘飄出莽天涯多少羈  
人同是飄零無跡



清平樂

落紅無數總是銷魂處春似去年留不住添了三分愁雨  
腰憐柳帶常寬心同梅子還酸不道牡丹開後小樓猶有餘寒

楊壽煜字耀南號莖生秉桂從子浙江按察使司照磨有聽松館

詩芋紋硯齋詞

搗練子

新月皎早秋涼病態懨懨漏剪長書卷拋殘燈已施欲眠偏自鬧蟲  
孃

如夢令

新酒乍開瑤甕乳燕雙棲畫棟閒事最關情滿地落紅香凍如夢如  
夢愁與春寒俱重

金縷曲 伯唐約游西湖

彈指華年過掩重關春寒料峭擁裘閒坐富貴功名如夢幻却笑依然故我歎浩劫頻番摧挫三竺六橋無限好恨緇塵空把青衫浣湖上約幾時果 勞人草草情無那學填詞移宮換羽推敲難安月滿窗前憑眺久冷豔盈盈欲墮更料理筆牀茶磨佳客不來清興減負良辰嬾放烟波荆山枕畔且高臥

摸魚兒

題休寧吳少畹寶樹柳陰觀釣圖小景

喚奚奴一竿攜到坐來池曲清淨春波蕩漾魚兒出卻好風漪微定雕檻凭喜酒滿杯中消受幽閒境鞭絲帽影看點點楊花娟娟疏竹俯弄水光暝 柳陰處更好聽鶯啜茗何殊濠濮清興豈因得失關愁喜別有妙機能領心本靜羨瀟灑風流怎及圖中景怡情養性笑俗子紛紛名韁利鎖何事苦爭競

笠澤詞徵卷十九

完

中華民國四年八月付印  
中華民國四年十月出版

笠澤詞徵百尺樓叢書

定價金五角

編輯  
輯行  
人兼

陳去病

印刷者

上海六馬路東新橋北首吉慶坊內  
國光書局印刷所

版權  
所有

上海拋球場北轉四當波路  
國學保存會

上海棋盤街  
廣益書局

上海六馬路東新橋北首吉慶坊內  
國光書局印刷所

上海北泥城橋新馬路白克路  
競雄女學校

發行所